

卷之五



西江志卷第三

沿革二



建昌府

本撫州南城縣

太平寰宇記

秦屬九江郡漢屬豫章吳分豫章東郡置臨川郡治南城隋罷臨川郡置撫州而南城屬焉

寰宇通志

唐武德二年省南城入邵武縣以隸建州至南唐李煜於南

城故域置建武軍

名勝志

太平興國四年改為建昌軍

太平寰宇記

宋曰建昌從南唐舊名改武為昌以地連建州會南昌為名

也

郡縣釋名

至元十四年改建昌路總管府割南城置錄事司

元史志



明定江南改肇昌府尋改建昌府領縣四屬湖東道嘉靖通志

皇清因之安志

南城縣

附郭東漢舊縣郡縣釋名

高帝六年命大將軍灌嬰立洪州其年分洪州南境立南城以其在郡城之南故曰南城太平御覽

吳太平二年更分置臨汝改為臨川縣至開皇廢南豐永城二縣併入南城縣屬撫州唐武德五年置永城東興二縣七年省東興永城二縣入南城縣太平寰宇記

淳化二年自撫州來隸有太平等四銀場宋史志元明仍舊

皇清因之編戶二百八十四里安志

南豐縣

本漢南城縣地元和郡縣志

吳太平二年置隋開皇九年廢入南城唐景雲二年又置先天二年廢入南城開元七年刺史盧元敏奏田地豐饒川谷重深時多剽掠乃復置南豐縣太平寰宇記

沿革志云太平二年初置縣曰豐因徐州有豐縣乃加南字以別之實漢後主延熙十九年也其地常產嘉穀故又名嘉禾名勝志

南唐升南城為建武軍南豐為屬縣宋改建武軍為建昌軍又以南豐與南城並為屬縣建昌府志至元十九年升為州直隸行省元史志



洪武二年復為縣 寰宇通志

皇清因之編戶一百三十九里 安志

新城縣

紹興八年析南城五鄉置 宋書志

中興小曆江西安撫使李綱轉運使逢汝霖合奏略云伏覩本路建昌軍兩縣繁劇為最非各添一縣則難以督租賦息盜賊制曰可於是分南城上五鄉就黎灘鎮建縣邑號黎川以此 名勝志

元明仍其舊

皇清因之編戶七十六里 安志

廣昌縣

紹興八年析南豐南境三鄉置 宋史志

宋會要云安撫使李綱等以南豐縣舊管六鄉闊遠難治奏

析置廣昌縣 名勝志

以道通二廣而屬建昌軍故名 郡縣釋名

境有平西臺邑又號平西 嘉靖通志

元明仍其舊

皇清因之編戶二十四里 安志

瀘溪縣

本南城縣瀘溪巡檢司 豫章書

宋元豐中設都巡檢司於瀘溪其地為瀘水環流故名至明萬曆六年從知府王之屏議割南城析置而改巡檢司於伏牛市 府志

按陳王庭瀘溪縣記云郡侯王公以南城廣袤四百里



東北曠遠中界金谿地險令隔是非專官轄治將滋蔓  
罔測請兩院會疏以聞詔曰可於是南城知縣范涑躬  
詣相地勅官府立城郭

皇清因之編戶二十里

安志

### 廣信府

歷春秋戰國迭為吳楚地秦并天下為番縣地

太平寰宇記

本漢餘汗地三國時又分鄱陽郡葛陽縣之地陳改為弋陽  
今州所理在弋陽縣東一百里

元和郡縣志

唐上元元年正月江淮轉運使元載以此邑川原夙遠關防  
襟帶宜置州制可賜名信州以信美所稱為郡之名

太平御覽

乾元元年析饒州之弋陽衢之常山玉山及建撫之地置信

### 州唐書

按乾元上元皆肅宗年號唐書以為乾元御覽以為上  
元當從正史

餘汗鄱陽太末府地皆有焉吳有葛陽晉有晉興唐初有玉  
亭皆衢饒二州之北境也

名勝志

唐乾元中析弋陽之地置上饒上饒之地置永豐又以撫建  
之三鄉益弋陽而割其西境及餘干之東北境置貴溪

同上

南唐保大中析弋陽所得撫建之地益以上饒三鄉置鉛山  
縣

廣信府志

宋熙寧中復上饒之永豐鎮為縣

同上

元至元十四年陞為信州路

元史志

明改為廣信府領縣六屬湖東道

嘉靖通志



嘉靖三十九年割上饒弋陽地添置興安縣領縣七 府志  
皇清因之 安志

上饒縣

本吳所置隋平陳省 元和郡縣志

附郭本漢豫章郡鄱陽縣地孫吳置上饒縣以其在饒州之上也 郡縣釋名

晉省宋復置隋省唐復置隸饒州 豫章書

武德四年置七年省入弋陽乾元元年復置并置永豐縣元和七年省永豐入焉 唐書

宋元明仍舊

皇清因之編戶一百八里 安志

玉山縣

本隋東陽郡之信安縣地 豫章書

唐證聖三年析常山湏江及弋陽置 唐書志

乾元二年自衢州割入信州 元和郡縣志

按縣圖云本漢鄱陽縣界衢山之西部也以其有懷玉山故名 太平寰宇記

宋元明仍舊

皇清因之編戶五十七里 安志

弋陽縣

本餘干縣地屬豫章郡後漢建安十五年孫權置葛陽縣以城在葛水之北故也隋開皇九年廢上饒入葛陽逾年縣失印移於弋陽以地居弋江之北為名 太平寰宇記

上元二年自饒州割屬信州 元和郡縣志



開寶八年升為縣景祐二年省康定元年復置慶曆三年又省入弋陽輿地廣記

相傳昔有弋獵者居其側或云有大石面如鑄弋字因名郡縣釋名

元明仍舊

皇清因之編戶七十一里安志

貴溪縣

本漢豫章郡餘干之地今在弋陽餘干兩縣之間太平寰宇記

永泰元年析弋陽置唐書地理志

洪州觀察使李勉奏割樂平餘干二縣在貴溪口因以為名元和郡縣志

宋元明仍舊

皇清因之編戶二百一十里安志

鉛山縣

本唐撫建二州地寰宇通志

按上饒記云出銅鉛青碌本置鉛場以收其利南唐昇元四年於上饒弋陽二縣析五鄉以為場後升為縣太平寰宇記

宋初以縣直隸京師後復隸信州豫章書

至元二十九年升州元史志

洪武二年復為縣鉛山縣志

皇清因之編戶六十九里安志

永豐縣

本弋陽縣進賢鄉永豐里地元和郡縣志



乾元元年置元和七年省 唐書

宋熙寧七年升永豐鎮復為縣 名勝志

西南有永豐山又有永豐溪吉安亦有永豐縣每科試錄分

吉永豐廣永豐以別之 郡縣釋名

元明仍舊

皇清因之編戶五十七里 安志

### 興安縣

本橫峰窰地正德間因窰民勿靖巡撫孫燧請銓設通判名

鎮寧公署 名勝志

嘉靖三十九年設為縣割上饒貴溪弋陽三縣地屬之 豫章書

按侍郎葉鏗興安倉記云國初徙處州民居其地世以

陶為業其俗獷悍好鬪易以生亂乃設督捕通判一員

歲嘉靖庚子饑其民請粟於官勿許諸惡少遂相率持

鋤挺幾至大變司土者憂之乃始有立縣分治之議嘉

靖己未巡按程公本立按信予以父老之意白之程公

慨然上聞乃下戶部議予又為歷陳其便乃復議以聞

詔許之錫名興安

皇請因之編戶二十一里 安志

### 饒州府

春秋時為楚東境秦為番縣地屬九江郡漢為鄱陽屬豫章

郡 十道志

東漢屬廬陵郡 名勝志

吳孫權分置鄱陽郡晉宋齊梁陳因之 輿地廣記



梁承聖二年改為吳州陳光大元年省吳州依舊置郡元和郡縣志

隋開皇九年平陳改鄱陽為饒州大業三年復置鄱陽郡隋書志

唐武德四年平江左置饒州領鄱陽新平廣晉餘干樂平長

城玉亭弋陽上饒九縣七年省上饒入弋陽省玉亭入長城

餘干二縣八年又并長城入餘干并新平廣晉入鄱陽天寶

元年改為鄱陽郡乾元元年復饒州太平寰宇記

南唐置永平軍古今郡縣名考

宋開寶八年復改為饒州府志

元至元十四年升饒州路總管府屬江浙行省元貞元年升

餘干樂平浮梁三縣為州元史志

明初改鄱陽府復改饒州府豫章書

郡西有堯山相傳堯時洛水避難者居其上因名初州以堯

山為號又以地衍饒遂加食為饒郡縣釋名

初領縣六正德七年姚源盜平析鄱陽餘干樂平貴溪四縣

地立萬年縣領縣七嘉靖通志

皇清因之安志

### 鄱陽縣

闔廬十一年吳王伐楚取番史記吳世家

秦時吳芮為鄱陽令號曰番君漢屬豫章郡輿地廣記

莽曰鄉亭漢書注

東漢加邑作鄱陽字太平寰宇記

晉武帝改曰廣晉隋開皇九年改廣晉為鄱陽以在鄱水之



北故曰鄱陽 元和郡縣志

舊置鄱陽郡平陳廢又有陳銀城縣廢入焉大業初復置郡 隋書志

武德五年析置廣晉縣隸浩州八年州廢省縣入焉 唐書志

宋為饒州倚郭縣元明仍其舊

皇清因之編戶三百一十二里 安志

### 餘干縣

本越之西境為越餘地漢置餘汗縣 郡縣釋名

淮南王田於餘汗是也縣因餘之水為名 元和郡縣志

貨殖傳注干越今之餘干縣也 豫章書

莽曰治干 漢書注

東漢改隸廬陵郡 饒州府志

隋開皇九年去水存干名曰餘干 元和郡縣志

武德四年析鄱陽置玉亭長城二縣七年省玉亭入長城八

年省長城入餘干 唐書志

宋因之 嘉靖林志

元元貞元年升州 元史志

洪武二年仍改為縣 餘干縣志

皇清因之編戶二百二十四里 安志

### 樂平縣

漢永元中置 雷次宗豫章記

縣在銀城即今邑之東水路 太平寰宇記

本漢餘汗縣地後漢靈帝於此置樂平縣南臨安江北接平

林因曰樂平 元和郡縣志



陳天嘉元年嘗廢唐朝建亦在銀城後因歙寇程海亮剽掠  
兼山勢險峻地隴高下乃移於常樂水口即今所名勝志

武德九年省樂平縣後重置唐書

南唐昇元二年析樂平二鄉置德興縣志

元元貞元年升州元史志

明仍改為縣

皇清因之編戶二百七十三里安志

### 浮梁縣

唐武德四年析鄱陽置浮梁縣屬饒州八年省輿地廣記

開元四年刺史韋玢再置改名新昌天寶元年改名浮梁元和郡縣志

以溪水時泛民多伐木為梁也郡縣釋名

唐永泰二年析北境合黟南置祁門縣元和中以縣治被水

徙西北即今治饒州府志

元元貞元年升州元史志

明仍改為縣

皇清因之編戶一百一十二里安志

### 德興縣

本饒州樂平之地有銀山出銀及銅唐總章二年邑人鄧遠  
上列取銀之利上元二年因置鹽場令百姓任便采取官司  
十二稅之其場即名鄧公隸江西鹽鐵都院太平寰宇記

南唐割據始置德興縣四面皆水取其地產銀惟德乃興之  
義名勝志

宋熙寧間析樂平縣盡節鄉元豐間析弋陽縣建節鄉增德



興饒州府志

元明仍舊

皇清因之編戶八十三里 安志

安仁縣

漢餘汗東南地西晉析置晉興縣永嘉七年改興安尋廢 案

字通志

隋開皇九年并入餘干唐武德初置長城縣在今長城鄉又廢宋開寶八年置安仁場於此端拱元年升縣 名勝志

元明仍舊

皇清因之編戶九十七里 安志

萬年縣

本鄱陽餘干樂平貴溪四縣之遠鄙正德七年姚源盜平析

置為邑隸饒州 嘉靖通志

按明舒清萬年縣志序略云萬年居鄱餘樂貴四邑之徼地僻土剛山深嶺峻民生其間多負氣尚俠且去縣治遠正德初歲饑遂烏合弄兵四出焚戮上聞遣總制陳公金出師勦之逾年始平爰與方伯任公漢議必置邑庶無後虞乃奏割四邑附近地合為一邑而開設治所於萬年峰之陽總制俞公諫相厥攸宜參政吳公廷舉任營度之功巡撫孫公燧憲副許公庭光築城衛之

皇清因之編戶六十四里 安志

南康府

春秋為吳楚地戰國屬楚秦屬九江郡漢為海昏彭澤二縣地屬豫章郡晉屬潯陽郡宋齊因之 豫章書



在唐屬江洪二州地楊吳立星子鎮屬德化 輿地廣記

南康軍本江州星子鎮太平興國三年以地當要津改鎮為

星子縣至七年改鎮為南康軍領星子縣仍割江州之都昌

洪州之建昌以屬焉 太平寰宇記

本隸南路紹興初來屬 宋史志

至元十四年升南康路隸江淮行省二十二年割屬江西 元

史志

明初改南康路為西寧府尋復為南康府 南康府志

初領縣三正德十一年分建昌五鄉置安義縣領縣四屬九

江道 嘉靖通志

皇清因之 安志

### 星子縣

本漢彭澤縣地屬豫章郡後為德化縣之星子鎮太平興國

三年置縣屬江州 輿地廣記

太平興國七年以江州星子縣建為軍 宋史志

附郭因境內有落星石故名 郡縣釋名

元明仍舊

皇清因之編戶二十八里 安志

### 都昌縣

本漢彭澤縣地武德五年分置都昌縣 元和郡縣志

唐安撫使李大亮謂土地之饒井戶之阜道途之遠近水陸

之阻礙遂割鄱陽西雁子橋之南置縣以隸浩州州廢屬江

州 太平寰宇記

大曆間徙治彭蠡湖之東屬饒州 豫章書



西漢志 卷三  
紹興七年自江州來隸 宋史志

以縣有都村南接南昌西望建昌故名 郡縣釋名

元明仍舊

皇清因之編戶五十九里 安志

### 建昌縣

後漢永元中分海昏立建昌縣以其戶口昌盛因以為名又  
中分海昏建昌立新吳永修二縣宋永嘉二年廢海昏移建  
昌居焉 雷次宗豫章記

隋開皇九年省并永修豫章新吳四縣入焉 隋書志

武德五年置南昌總管府管南昌新吳靖米孫五州南昌州  
領建昌龍安永修三縣八年廢南昌州以南昌州新吳永修  
龍安入建昌縣 唐書

建昌府以地連建州會南昌為名建昌縣義亦若是或曰昌

邑王賀居此為昌邑王建也 郡縣釋名

太平興國七年自洪州來隸 宋史志

元貞元年升州 元史志

洪武二年仍改為縣

皇清因之編戶八十一里 安志

### 安義縣

正德十一年以建昌縣之安義等五鄉依山據洞嘯聚不時  
巡撫孫燧副使宗壘知府陳霖議題割建昌五鄉立縣因安  
義鄉為名 名勝志

亦取安平之義 郡縣釋名

按明余祐縣治記云安義舊隸建昌建昌之鄉十有六



其去縣治最遠者五所稱安義南昌卜鄰控鶴依仁是也號稱瘠土兼道里遼遠西界靖安西南界奉新東南界新建邑右逋賦者率以其地便隱蔽逋聚時有議立縣治請之藩臬僉謀允協疏報可都御史孫公燧巡按屠君僑謂郡邑既建宜錫嘉名莫如以安義二字為當不得以一鄉之舊名易之錄以上請竟勿更易

九江府

禹貢揚荆二州之境 元和郡縣志

春秋戰國屬楚秦屬九江郡 輿地廣記

高帝四年更名為淮南國武帝元狩四年復故 漢書注

柴桑彭澤之郊古三苗國舊屬廬江郡 周景式廬山記

漢末南境入吳屬彭澤郡北境入魏屬廬江郡後盡入吳屬

武昌郡 豫章書

元康元年置江州永興元年置尋陽郡屬江州永嘉元年江

州又置新蔡郡尋陽郡又置九江上甲二縣 晉書志

成帝咸通元年移江州理湓城即今郡是也 太平寰宇記

陳武帝於尋陽置西江州復理豫章文帝天嘉元年省西江

州江州自豫章復理潯陽 元和郡縣志

平陳郡廢又廢汝南柴桑二縣立尋陽縣十八年改曰彭蠡

大業初置郡 隋書志

武德四年置江州領湓城尋陽彭澤三縣五年置總管府八

年廢浩州及樂城縣入彭澤縣又廢湓城入尋陽天寶元年

改為尋陽郡乾元元年復為江州 唐書



南唐立奉化軍節度

寰宇通志

開寶八年降為軍事大觀三年升為郡舊隸江南東路建炎

元年升定江軍節度二年置安撫制置使以江池饒信為江

州路

宋史志

至元十二年置江東西宣撫司十三年改為江西大都督府

隸揚州行省十四年罷都督府升江州路隸龍興行都元帥

府後置行中書省江州直隸焉十六年隸黃蘄等路宣慰司

二十二年復隸行省

元史志

明平陳友諒改為九江府領縣五

嘉靖通志

皇清因之

安志

### 德化縣

本尋陽縣二漢屬廬江郡吳屬蕪春郡晉復屬廬江

輿地廣記

隋開皇十八年改為彭蠡縣大業三年改為湓城縣唐武德

五年改為潯陽縣

太平寰宇記

居在潯水之陽故曰潯陽

元和郡縣志

附郭南唐改德化縣言德化所暨也

郡縣釋名

宋元明仍舊

皇清因之編戶一十七里

安志

### 德安縣

本歷陵縣地二漢屬豫章郡

輿地廣記

莽曰蒲亭

漢書注

吳晉皆為歷陵縣割入柴桑縣隋為湓城縣南境

寰宇通志

武德五年析湓城更置潯陽楚城二縣八年廢湓城入尋陽

貞觀八年又廢楚城入尋陽分三鄉於敷淺原之南立蒲塘



西江志 卷三  
場咸通三年還尋陽四年復為場 太平寰宇記

楊吳升為德安縣德所綏安也 郡縣釋名

宋元明仍舊

皇清因之編戶一十八里 安志

### 瑞昌縣

本赤烏場地蓋柴桑之舊域也 太平寰宇記

吳程普駐兵於此有赤烏來鳴讖曰明日必有祥既得赤壁之報名其地曰赤烏鎮又曰瑞昌鎮後改縣因鎮名也 郡縣釋名

江右屬邑以昌名者六七獨別為瑞者何蓋孫吳據有江東

赤烏時見立國改元實始於此 文德翼求是堂集

唐建中四年以潯陽西偏僻遠立赤烏場其改縣為瑞昌則

自南唐昇元三年始 名勝志

宋元明仍舊

皇清因之編戶一十四里 安志

### 湖口縣

漢鄡陽鎮地屬彭澤縣劉宋之湖口戍也 名勝志

本湖口戍是南朝舊鎮上據大鐘石旁臨大江唐武德五年

安撫使李大亮以為要衝遂置鎮 太平寰宇記

南唐保大中以彭澤二鄉析置湖口縣屬江州 寰宇通志

宋元明仍舊

皇清因之編戶一十七里 安志

### 彭澤縣

禹貢彭蠡澤在西因以名縣漢晉屬豫章郡 輿地廣記



梁置太原郡領彭澤晉陽和城天水平陳郡縣並廢置龍城縣開皇十八年改名彭澤縣隋書志

武德五年置浩州又分置都昌樂成二縣八年罷浩州以彭澤屬江州仍以樂成入彭澤唐書

南唐昇元初自浩州故城移湖西四十里江次即今縣理太平寰宇記

宋元明仍舊

皇清因之編戶一十七里安志

### 南安府

三國吳始置南安縣屬南部都尉江西名勝志

南康郡太康三年置晉書志

元康元年割隸江州宋齊梁陳因之嘉靖通志

隋立大庾鎮唐升為縣屬虔州寰宇通志

南安軍自五代以前地理與虔州同輿地廣記

宋淳化元年始別置南安軍割南康大庾上猶三縣地屬之南安府志

淳化初於大庾縣立南安軍從知南雄州查陶之請也名勝志

至元十四年改南安路總管府元史志

洪武元年改南安府領縣三正德十二年割大庾三縣地增

置崇義領縣四屬嶺北道嘉靖通志

皇清因之領縣四安志

### 大庾縣

本漢南楚縣地武帝遣將軍庾勝討南越築城於此晉為南



康縣地隋立大庾鎮

豫章書

神龍元年析南康置

唐書志

唐屬虔州宋屬南安軍元明仍舊

皇清因之編戶二十里

安志

### 南康縣

本漢灌嬰所置南楚縣也至獻帝初平二年析南楚置南安

縣晉太康五年改曰南康

元和郡縣志

宋改曰贛縣隋大業初復曰南康

輿地廣記

唐屬虔州

豫章書

宋屬南安軍元明仍舊

皇清因之編戶三十一里

安志

### 上猶縣

後唐同光二年割南康縣西南一鄉置為上猶場

名勝志

南唐壬子歲改為縣

太平寰宇記

五代時置屬虔州淳化元年來屬

輿地廣記

宋屬南安軍嘉定中改南安縣元至元五年改永清縣六年

復舊名仍屬南安路明仍舊

嘉靖林志

皇清因之編戶一百一十一里

安志

### 崇義縣

本上猶縣地

名勝志

輦人謝志珊等嘯聚為盜於此正德十二年都御史王守仁

削平之奏割大庾南康上猶三縣附近地立崇義縣

嘉靖通志

按王文成全書云上猶大庾南康三縣適中去處建立



縣治實為久安長治之策適均處無如橫水原係上猶  
崇義里地方山水合抱土地平坦堪設縣治東去南康  
一百二十里西去湖廣桂陽縣界二百餘里南去大庾  
一百二十餘里

皇清因之編戶六里 安志

### 贛州府

春秋時百越之地二漢屬豫章郡吳屬廬陵郡 輿地廣記

孫權嘉禾五年分廬陵立南部都尉理零都晉武帝太康三  
年罷都尉立為郡永和五年移理贛 元和郡縣志

開皇九年置虔州 隋書志

贛舊曰南康置南康郡平陳郡廢大業初改縣名尋置郡 同上

武德五年平江左置虔州天寶元年改為南康郡乾元元年  
復為虔州 唐書

後唐長興二年升為昭信軍節度 太平寰宇記

本南康郡昭信軍節度大觀元年升為望郡建炎間置管內  
安撫使紹興十五年罷復置江西兵馬鈐轄兼提舉南安軍  
南雄州兵甲司公事二十二年改今名 宋書志

淳化元年分南康大庾上猶別置南安軍虔州統縣十 贛州府志

紹興間因虔州多盜以虔為虎頭改贛州 郡縣釋名

至元十四年升贛州路總管府十五年設錄事司領一司十  
縣 元史志

洪武三年改贛州路為贛州府成化十三年設分巡嶺北道



治贛州弘治七年設巡撫於贛稱虔院府領縣十二 府志  
皇清因之 安志

贛縣

二漢屬豫章吳為廬陵南部都尉晉置南康郡宋齊梁陳皆  
因之隋置虔州改贛縣為南康大業初復改為贛唐因之 輿地廣記

晉太康末洪水橫流忽有大鼓隨波而下入葛姥故城眾力  
齊曳躡而不動卜於其地置縣吉遂徙於此宋昇明初移置  
贛水東梁承聖初又遷贛水南 太平寰宇記

章水西南自南康縣來貢水東南自雩都縣來二水至州北  
合而為一通謂之贛水因為縣名 元和郡縣志

紹興二十三年改虔州為贛州贛縣附郭 贛縣志

宋元明俱為贛縣

皇清因之編戶一百二十里 安志

雩都縣

二漢屬豫章郡晉宋屬南康郡後省隋平陳復置屬虔州唐  
因之 輿地廣記

漢初所置因雩都水為名 元和郡縣志

唐貞元四年割雩都地置安遠縣天祐元年析雩都地為瑞  
金監 雩都縣志

宋太平興國七年析雩都地置會昌縣又石城縣分自陽都  
亦古雩都地 同上

元明仍舊

皇清因之編戶一十七里 安志



信豐縣

本漢豫章南野縣地吳置南安縣晉改南康名勝志

唐永淳元年分置南安縣屬虔州輿地廣記

天寶元年改天下縣名相同者采訪使韓朝宗以泉州有南

安縣遂奏改名信豐太平寰宇記

南唐保大十一年析信豐置龍南縣信豐縣志

至元二十四年并龍南入信豐元史志

明隆慶三年析縣南地置定南縣

皇清因之編戶七里安志

興國縣

本贛縣地太平寰宇記

孫吳置平陽縣晉太康元年改平陽曰平固隋開皇九年省

贛州府志

歷三國兩晉南朝隋唐五代皆贛封內嘉靖通志

太平興國中析贛縣七鄉置宋史志

益以廬陵泰和之地立縣於潑江鎮因年號為縣名名勝志

元明仍舊

皇清因之編戶五十三里安志

寧都縣

本漢贛縣地屬豫章郡太平寰宇記

吳置陽都縣晉太康元年改曰寧都後省宋復置大明三年

以虔化屯別置虔化縣並屬南康郡後省虔化入寧都輿地

廣記

劉宋改揭揚曰寧都從新都名而改為寧也郡縣釋名



西漢志 卷三  
虔化舊曰寧都開皇十八年改名 隋書志

南唐保大十一年析虔化石城場置石城縣 寧都縣志

紹興二十三年改虔化曰寧都 宋史志

元大德三年升寧都州領縣一龍南 元史志

明仍為縣 嘉靖通志

皇清因之編戶一百三十七里 安志

### 會昌縣

本雩都縣地 太平寰宇記

太平興國中析雩都六鄉於九州鎮置 宋史志

置縣未立名適鎮人鑿井得瓠甌十二上有會昌篆文事聞

因以名縣 名勝志

紹定四年升會昌縣為軍咸淳五年復為縣 贛州府志

至元二十四年并安遠入會昌大德元年升會昌州領縣一

瑞金 元史志

洪武二年仍為會昌縣 嘉靖通志

皇清因之編戶五里 安志

### 安遠縣

本漢雩都縣地 豫章書

梁大同十年置安遠縣隋開皇中廢其後雩都縣以地僻人

稀每有徭役動逾星歲建中三年刺史路應奏請析雩都三

鄉并信豐一里再置安遠縣 太平寰宇記

宋因之 寰宇通志

元至元二十四年省入會昌縣至大三年復置 元史志

明仍舊



皇清因之編戶五里 安志

瑞金縣

本雩都縣地有金天祐元年置瑞金監 輿地廣記

本瑞金場淘金之地也南唐升為縣 太平寰宇記

宋太平興國七年割地益之 名勝志

瑞金縣以掘地得金名也 郡縣釋名

瑞金舊屬虔州大德元年屬會昌州 元史志

明仍其舊

皇清因之編戶八里 安志

龍南縣

本漢南野縣地五代時置屬虔州 輿地廣記

唐天寶元年於信豐縣置百丈鎮尋改名虔南五代吳改鎮

為場南唐保大十一年升縣改今名 名勝志

南唐縣本名龍南宣和三年改虔南紹興三十三年復改龍

南 宋史志

至元二十四年并入信豐縣至大三年復置 元史志

以縣在百丈龍潭之南故名 郡縣釋名

明仍其舊

皇清因之編戶四里 安志

石城縣

五代時置屬虔州 輿地廣記

三國吳析置揭揚縣石城其封內也 名勝志

本石城場南唐改為石城縣 太平寰宇記

以山多石聳峙如城故名 郡縣釋名



宋屬贛州元升寧都為州以石城屬之 寰宇通志

明仍其舊

皇清因之編戶四里 安志

定南縣

明隆慶二年都御史吳百朋勦撫下歷高砂二巢奏以界連廣東和平岑岡離遠政教鮮及以致人民頑據宜置縣次年都御史張紳築城於高砂之蓮塘 名勝志

析安遠信豐地置定南縣取平安之義也 郡縣釋名

按殷從儉新建定南縣記嘉靖末年督撫吳堯山公檄參將蔡汝蘭勦滅下歷知府黃辰撫定高砂岑岡隨議建縣為善後圖而堯山時以遷去未遑也隆慶改元明年張鶴樓公繼總鎮下有司議移會撫臺應谷劉公巡

臺直齋顧公疏其事以請制曰可錫名定南縣

皇清因之編戶四里 安志

長寧縣

萬曆三年都御史江一麟討平安遠黃鄉保賊奏置明年築城於馬蹄岡 名勝志

析安遠雙橋石溪等十五堡置 贛州府志

長久安寧之義也 郡縣釋名

皇清因之編戶四里 安志

西江志卷第三



西江志卷第四

形勝

大江迤西川谷環縈惟十三郡羅羅圖經吳頭楚尾粵戶  
閩庭形勝之區險兼阻并藏淵萃藪芽蘖易萌靜斯弭覺  
動或稱兵勿謂壤遐近於藩屏恃茲有道銷彼無形既固  
我圉亦誠厥眊俯安封域仰佐昇平作形勝志

江西省

東有海鹽章山之銅三江五湖之利亦江東之都會也 漢書

吳分野

水陸四通山川特秀咽扼荆淮翼蔽吳越 雷次宗豫章記

襟三江而帶五湖控蠻荆而引甌越 唐王勃滕王閣序

洪江虔饒吉信撫素悉屬治所 唐韓愈滕王閣記



當淮海之襟帶作吳楚之把握 唐封敖記

南距五嶺北奠九江 宋范致虛記

江西路環數千里為郡十有一為縣五十有三控引荆湖襟

帶吳越為上流重地 宋李綱乞差軍馬劄子

江西一路輔翼建康駐蹕之所蔽障閩廣接連荆湖自江以

北控引淮西 李綱條具防冬利害狀

鍾陵奧區楚澤全壤天開翼軫之疆地扼江湖之國 宋王應

麟玉海

江西之為省東接閩浙西連荆蜀北踰淮汴以達于京師據

嶺海之會斥交廣之境蠻服內向島夷畢朝提封數千里

隆興則其治所也 元虞集江西行省惠政碑

星麗斗牛地兼吳楚據百粵之上游壯雄藩之重輔 明胡儼

滕王閣賦

統三府論之江西諸水總匯鄱陽湖瀉注大江匡廬山障之

饒州在其東稍西北而南康又稍西北而九江其地東接

徽衢池慶西接蘄黃武昌大都為豫章北戶云以繁劇論

則饒州為上九江南康次之以衝要論則九江為上南康

饒州次之此其大凡也 明王世懋三郡圖說

環郭外者為龍沙龍沙之外滂瀆長逝為大江大江之外嶽

崎羅列為西山西山之杪北峙為匡廬大江之隈東匯為

彭蠡 明潘恩攬秀樓記

江右地分湖山間方廣數千里統十有三郡 明錢習禮亭記

負江依湖南臨兩廣北接宣揚西控楚東翼浙 明鄧元錫方

域志



南昌在湖之南湖東為撫州東南為建昌又東為廣信湖西為臨江西南為袁州又西南為吉安湖西北為南康又西北為九江東北為饒州而九江牽制沿江諸郡且與南康密邇巨湖吞浸實要害之重關也瑞州却湖而負山南安贛州去湖益遠在省治極南以五嶺為屏翰而汀漳雄韶諸山跨絡林箐茂密斯為盜藪故設督撫重臣以臨之明郭子章郡邑表說

江西三面距山背沿江漢當吳楚閩粵之交南昌其都會也九江為江楚鎖鑰贛州介在南服南安阻憑庾嶺南康饒州夾彭蠡以列郡而康不逮饒吉安撫州人才甲諸郡建昌事簡而殷瑞州地僻而阜廣信衝而疲臨江衝而逸袁州密邇楚境比江右之大較也劉斯樞程賦統會

### 南昌府

在江湖之間東南一都會

宋曾鞏修城記

章水北經南昌城西歷白社又北歷南塘其東為東湖

曾鞏

徐高士祠記

茲郡之勝實為東湖

宋楊億涵虛閣記

大江之西處都會而山水佳者洪為最

宋余靖洪州學記

列嶽橫青龍沙飛白逶迤突兀於江干之西

明范涑鐘鼓樓

記

地勢自虔州北折千里或浸為湖或聳為阜似日者似月者似虎踞者似龍蜿蜒者悠悠累累息於章江之濱

明萬恭

南昌學記

平原繇衍贛汝交流

南昌形勝志



羣山翼赴眾水朝宗 同上

新建江右之鉅邑也境莅會省 明陳弘緒新建學記

層峰疊嶂秀出雲霄多仙靈窟宅 明喻均新建志

厭原奇麗雙江匯環蓋都會雄觀 新建前志圖說

洪都壯邑厥水惟豐池水躍龍芙蓉浴日 宋劉卿日豐城志

序

豐城為壯哉縣一旦紫氣騰蹕上薄斗牛而物華天寶人傑

地靈益翕然炳煥 宋徐鹿卿豐城志序

豐城為吉贛下流地勢窪甚春夏水暴至匯為巨澤縣兀然

居中 宋劉德秀豐城堤記

章水經北曲江匯東帶二水之長流襟三江之長雄 宋王孝

友豐水賦

羅山峙其南贛江環其北 元富州形勝志

豐城古澤國也當五郡之水衝 明李瑄仙壇石掃記

進賢為豫章壯邑延袤凡數百里 明王一夔進賢成化志序

台山列屏曲水縈帶 明陳應元進賢修學記

邑東有河其源出臨川之榭嶺紆迴百餘里合眾流至邑 明

王英進賢縣青龍橋記

北湖澄淵緱山砥柱洞陽蕩其西瑞洪浸其東 萬恭進賢縣

形勝說

豫章郡三江之都會奉新縣五嶺之要衝 宋楊萬里南津橋

記

氣象平行面勢洪博北趨江淮南抵閩粵道路四達商賈會

通 宋桂如簾奉新華豐樓記



南昌之屬邑惟新吳為最馮川敵其陽其地有高山峻嶺明

奉新在豫章西山之西越嶺之東山川秀麗明趙理奉新縣志序

山從修寧若拱若揖若波之湧若龍之蹯若驤之騰似旗者似鼓者似筆者似劍戟者東奔數百里乃播為大陸衍為周原萬恭靖安學記

繡谷雄盤桃源紆阻靖安形勝志

武寧為隆興西南壯邑山刻而水駛元范梈武寧學記

武寧最山川勝處西江為尤勝幕阜九宮縣亘二山秀出雲表蓋吳楚相入處也宋楊恢武寧玉清萬壽宮記

環武城皆山蒼崖翠壑古澗生風峭壁層巒泉飛瀑布宋白

玉蟾武寧湧翠亭記

武寧為縣僻在萬山中當修江上游水泉灌溉之利峰巒鬱之美亦望縣也明陸深縣志序

陸有劍閣列棧之雄水有玉峽諸灘之險武寧志

寧州者江右之大西藏也明萬思謙寧州銅鼓營記

南山排於前鳳山峙於後清流急湍環抱左右明楊信寧州冠雲亭記

南昌郡故川陸一大都會也仰虔吉以控嶺表倚湓浦以通江淮而形勝之險實與諸郡共之東南則章貢盱汝諸水建瓴而瀦於鄱陽南新豐進之濱號稱澤國其西層嶽鳥道繡錯楚疆奸萌易於嘯聚自平華林碼碯以後奉靖二邑至今晏然寧州僻在郡隅鎮之以兵臬戎之以銅鼓石



營事乃有備然興國瑞昌之寇孽多流入於寧武伏戎肘側蓋尤不可無牖戶之防焉

南昌范志疆域論

### 瑞州府

西江道院南服名邦

宋辛料院賀筠州尤守啓

筠為州在大江之西其地僻絕

曾鞏筠州學記

斷巖深壑宛若洞府

蜀江志

瑞本古筠郡治在鳳山之陽錦水自西南來折而東注界為

兩厓

明沈煉瑞州修城記

瑞城據錦水兩厓在南曰南城在北曰北城

明吳山修城記

高安郡於江西稱道院郡治在山間而最高處有碧落堂下

俯萬山一水穿城南北岸萬家鱗鱗樓臺皆可指數

明歐

陽守道重修碧落堂記

據鳳山面錦水昂然一郡之勝

明朱繼祖學記

前瞻荷嶺後倚華林

南唐殷崇義祈仙觀記

高安本豫章屬邑居溪山之間

宋蘇轍聖壽院記

高安為江西上縣

元李澗張令祠記

上高筠之小邑介於山林之間

蘇轍上高學記

上高城周五里蜀水中亘為關者四分峙水南北所以麗內

外謹出入也

宋江湘重修上高城關記

上高治北而市南一溪自萬載發源合新昌水下走高安

宋

馮椅上高浮虹橋記

山川映帶秀麗如染

明黃景上高學記

負敖峰迎錦水

明吳學詩上高正德書院記

林壑盤紆川原迴遠

宋劉愿新昌縣譙樓記



西江志 卷四

溪山深窈左右拱揖 宋雷孝友新昌縣門記

前則諸巒戟列後則疊嶂屏張桂峰卓於左螺山踞於右鹽

溪合月灣而東環東溪合北流而西遠

明王相遷新昌學

記

南屏翰苑北枕石門桂嶺螺山東西對峙鹽浮一派曲折於

祿陂顧淵之間

新昌形勝志

郡在會省西南山紆水迴雖屬上游勢漸險隘此高安上高

之名所由起也上高又在高安上游西濱萬載地勢陡絕

新昌本割兩高之地為縣形勝在季孟間西接皂山北接

八疊則亦駸駸傍楚而峻矣

瑞州山川圖說

### 袁州府

州小地狹

韓愈袁州謝表

山水秀麗

太平寰宇記

枕吳頭而盤固壓楚尾而仰止連屬羣峰迴環千里

宋李問

仰山賦

屏蔽江淮襟帶湖湘山平廣而無高險水遠秀而無深險

宋

阮閱郡城記

城郭井邑在迤邐衆山之中如圖画屏障

宋祖無擇廣豐堂

記

氣雄形壯誠江右一巨鎮

明張春袁州城記

袁州江右大郡當湖湘之孔道

明申時行袁州府題名記

袁州大郡也山水秀麗為江右奧區

明吳節袁州府學記

袁郡東十五里曰上浦當楚蜀滇黔孔道

明鄒守益廣潤橋

記



狀元洲雄居中央迴瀾砥柱一郡鎖鑰明素業泗盧洲三元閣記

宜春為郡在江右上游山川完固虞集宜春尊經閣記

素為州負山帶水一水清瀉東北入于大江負城兩厓東為驚湍奔駛激射不可以舟宋滕強恕平政橋記

素在萬山中山勢嵯峨盤曲從西南來有峰獨秀出於城南者曰湖岡明江臯湖岡臺記

分宜為素鉅邑山水秀朗仙臺外倚於仰山秀江東馳於彭蠡明汪諧重修分宜學記

分宜邑治前瞰秀江源發於楚萍至此渟滯而邑西東限以兩山東以巨峽明嚴嵩分宜萬年橋記

鈴岡列嶂屏圍四山周合宛若城堞分宜形勝志

素之西南有縣萍鄉山水淑清羅霄楊岐秀氣所挺宋劉清之萍鄉學記

素州之萍鄉以繁劇稱厥壤沃而僻宋卓津題名記

山水明秀拱揖環抱明簡迪重修萍鄉學記

萍介兩省當滇南蜀楚之衝明素一唯湘東營房記

北祖楊岐之脈鳳翼飛翔南濱塔嶺之朝筆鋒卓立左肩羅嶽右臂徐仙川澄玉鑑洲擁金鰲萍鄉形勝志

地勢隱然負山帶江宋徐昇萬載縣治記

萬載介羣山之間宋楊愿萬載學記  
山有金雞白塔紫蓋之名水有龍江錦江清泉之號巖之可稱者仙游龍成也橋之可題者雙虹南浦也誠一郡之勝地吳節萬載謙樓記



萬巖邑也其山萃律其水縈迴素業泗萬載志序

宜陽多山水而萬載特佳勝明潘文奎桐岡書屋記

萬載當郡北更北則寧州境東上高西瀏陽鵝鶴諸峰障之

郭子章郡邑表說

左鷺峰右鶴嶺月臺居前紫蓋翼後萬載形勢說

### 臨江府

據筠瑞之蜿蜒枕金鳳之迤邐東擁阜閣之葛峰西亘蒙山之巨嶽南環玉笥北接劍江隋志

當南粵虔吉舟車四會之衝南唐吳鸞建清江縣議

臨江大郡譙樓偉觀大蒙亘其北閤阜峙其南贛江渝水會流而來金鳳雙洲障匯而潄誠西江之雄也明王臣臨江譙樓落成宴集序

譙樓落成宴集序

臨江若太陰半月之形地理志

郡居江藩之樞掖袁控瑞通梁粵帶虔吉郭子章郡邑表說

臨介在江楚有閤阜玉笥以作其鎮贛袁喻峽以表其流苞

稽靈異臨江府志

清江縣治在蕭水之上章山之陽石龍金鳳地靈攸存明敖

英清江縣題名記

臨江為江西大郡而清江又麗郡之望邑勢控上游山環水

秀明錢溥清江學記

清江之有水患自昔已然明程遠重修沙河隄碑記

清江居豐城上游水自吉文經玉峽歷金川至龍洲鳳城蕭

灘則曲折回互與地勢相環抱明張澈清江送別詩序

當水陸之衝通八省之利明熊化樟樹鎮記



西江志 卷四  
九  
淦居洪州上游有金沙玉筍之勝 明張鏊新淦志序

占西江之上游表東南之孤清 明金幼孜玉筍山賦

新淦與白下螺川無以甚異城頭山突起其側又一邑之門戶也 明曾同亨城頭文昌塔記

新淦與吉州俱屬湖西其邑羣峰卓舉川光明媚 明鄒元標新淦學記

東有柱天二峰西迎章貢二水南障玉筍羊角北峙鳳山疊嶂 新淦形勢說

章貢之巨浸澎湃西北湄湘之碧澗縈繞南山 明陳以運新淦志序

其治在四大山之中秀水淵注 虞集新淦學記

臨四邑獨喻限長江上游 明劉崧新淦新城記

葛峰環其東蒙嶺據其北鍾山鼎山之秀位乎西南之郊虎

瞰山獨隱然居其中世傳五星奠位 張澈新淦縣治記

素江之水逶迤來朝悠揚縈迴於虎瞰中峰之下以達于大

江 明傅鶚新淦鎮遠樓記

蒙喻邑之鎮山也岡阜盤礴逶迤諸泉隨之而注以達于淦

水 張春新淦通濟橋記

峽江據臨上流道里四會星使輻輳 曾同亨黃邑令碑記

峽故隸淦與吉鄰壤 明錢德洪峽江志序

### 吉安府

府治據江上流 宋朱晞顏修吉州城狀

南接贛江北臨淦水西控素川長沙環地幾千里 宋劉弁送

吉州守序



咽喉荆廣脣齒淮浙江山映帶在眉宇間宋劉彥登譙樓記  
五峰相次頗類五老方輿勝覽

神岡揖其前螺山歸其後江流迴合東走其下古所謂天作之邦郭子章郡邑表說

吉州廬陵古稱大縣宋胡銓吉州學記

吉安於江西為劇郡廬陵於吉安為劇縣元揭傒斯移廬陵縣治記

山環水外水環郭外廬陵形勝志

自螺川而望東南其青青者皆青原也墨歷青原山水記

泰和據郡上游城於古西昌地控途水陸道交廣者由之行商往來通貨南北明王陶泰和縣治記

泰和古南平郡地勢西北高而東南低故大江北匯疏為四

溪而入于江明嚴萬全溪柳書院記

前挹澄江後引科嶺金魚插其左龍洲翼其右此西昌山川之勝明徐叔倫泰和板桂樓記

吉水山漸開遠溪益廣深明劉定之重建吉水學記

三面阻江不隍而固陳氏文江政略

吉水負山襟江沙嶼縈紆龍飛鳳翥之概傑出於青原白鷺間明王雅重修吉水縣堂記

仁山萃嶺文水縈迴鄒元標吉水仁文書院記

東山蜿蜒鎮其後字水交流環其前五岡蹲西玉峽峙北巽峰太平仁山墨潭暎帶左右控上流而為吉郡之喉襟非他縣之可儷也吉水形勢說

廬陵之東邑為永豐有山叢叢有水溶溶揭傒斯永豐恩江



永豐江右名邑與文江安成西昌並峙而爭雄 明吳期照修

恩江志序

永豐三面距山有鱗嶺五花之險 郭子章郡邑表說

安福介吳楚之間開閩專城有掌固之職 明張鰲山四城樓

記

山水瑰麗東陽白雲諸峰獻秀出奇不可名狀瀘水折北而

東走勢若蒼龍 安福地里志

武功山自萍鄉諸山蜿蜒而來特起二峰曰瀘曰瀟武功當

二峰之中號為三奇 明趙儀可葛仙壇記

龍泉據吉州上游西扼郴衡南控虔化東連分水北綰新州

固四塞之區也 郭子章郡邑表說

地界兩川神秀所蟠 胡銓萬安縣廳壁記

當水陸之衝舟車漕運交會於茲 明王汝南萬安縣志序

俯惶恐灘背粵王臺聳芙蓉而列金鷺由章貢鼓櫂中流劃

然開目為廬陵最上游之勝 萬安風土志

陳白沙以金鷺嶂勝於鴉峰芙蓉山過於桃峽詩云水作青

羅帶山為碧玉簪可以知形勝矣 同上

右枕重岡前引列峰 元李祈永新縣籌勝亭記

寧據吉上游崇山峻嶺介新之西偏 鄒元標永寧志序

寧處萬山中險阻四塞非舟車輻輳之會 郭子章郡邑表說

撫州府

與兩粵七閩犬牙其疆 唐獨孤及撫州新亭記

居山川風雲之會二水繞郭五峰鎮城 宋州守家坤翁景定



瀕汝水以為郡靈谷銅陵諸峰環列如屏障宋謝逸文集序

川融山結鍾奇毓秀江右之巨鎮也宋趙與勳千金陂記

連山高陵野林荒墟遠近高下壯大閎闊怪奇可喜之觀環

撫之東南曾鞏擬峴臺記

地方千里介江湖之表虞集撫州譙樓記

撫為江西大郡其地西南負山至郡治而平行曠然數百里

下控江湖明邵寶撫州志序

因崇丘以為城依大溪以為隍明胡亦堂重修擬峴臺記

州治包五峰於內因山為城因川為池撫州舊志

臨川附郡郭幅員五百餘里郭子章郡邑表說

寶唐崇仁水源之所自出也迤邐而東凡一百二十餘里合

支流遠近者五曰西寧曰芙蓉曰巴源曰杯山曰羅山凡

一山之水支派再三舒徐入境回旋於崇仁之邑治而溪

始平宋何異塘堤記

西峙者羅山南峙者巴山宋李燔崇仁學記

崇仁撫之壯邑明時季照華藏寺記

駢山貫江風物繁衍下瞰臨水極目如練重阜外羅平原中

豁崇仁形勢說

金谿撫之東境元程文海重修縣治記

金谿之山翔躍猶龍明宋濂金谿廟學碑

金谿縣南盱水與清江合流於汝名曰東漕其地為四達之

衢宋濂金谿義渡記

山谿紆阻非兵革之衝明徐善慶金谿築城記



西連閩建北接安東 明趙秉忠輿地圖說

地界饒信盱汝之間山川秀異 明徐孟恕金谿志序

上幕前峙卓筆右拱含輝納秀占溪山勝處襟帶八閩奇分

五嶺 金谿形勝說

宜黃上接虔化旁屬南豐 宋鄒極宜黃審政堂記

宜黃二水合流於東北一水自南遶東趨北者源遠而流稍

大一水自西遶南趨東者源近而流差小 元吳澄宜黃西

恩橋記

宜黃居臨汝上游當宜水黃水合流之間 明譚綸宜黃城記

宜黃僻在一隅而山水清越 明周夢若仙巖元寶觀記

撫之屬邑五惟樂安僻在萬山中舟楫不通崎嶇扼塞行者

病焉 元吳當題名記

枕山踞湖象山龍岡峙左右前則大華芙蓉鹿角白石諸峰

林立環治有溪曰金鰲此一方勝槩也 明胡直樂安縣治

碑記

樂安距府獨遠介於吉贛 郭子章郡邑表說

山高而水駛地固而氣完 樂安形勢說

東鄉宅奧窳故為寇區 明王宗沐修學記

接桃峰之勝據長林之險 郭子章郡邑表說

谿深而谷窈石峭而泉冽 東鄉志

建昌府

林奇谷秀水繞川環 刁尚能建武軍羅城記

地氣殊異山川炳靈 唐顏真卿麻姑仙壇記

建昌為郡據江西一道東南上游其地山高而水清 宋朱子



建昌軍進士題名記

山清水秀冠於江表

宋鄭文寶江表志

吾不知幾千百里之廣但覺土老而石頑頂天而直上驗地

勢之所極固亦東南之藩障

宋李觀麻姑山賦

左臨盱水右瞰麻源

輿地紀勝

建昌在江西號為佳郡地介閩粵

宋陳起王侍郎祠記

東南連甌閩屬章貢而西北鄰郡疆界相入錯綜如繡

呂維

中建昌鼓角樓記

抗禦七閩牽制八粵五嶺咽喉三吳襟帶蓋江藩南鎮關鍵

也 郭子章郡邑表說

攬煙雲草木之奇俯千巖萬壑之秀

羅大臨南城縣廳題名

記

盱水南通閩廣北抵荆湖

明劉翊南豐通濟橋記

阻山帶河風氣茂密實稱奧區

明江冕修南豐縣譙樓記

軍山峙于右何竺峰峙于左

明王璽南豐修學記

倚琴臺以為之固繞盱水以接其流

南豐形勝志

南豐盱水上游東南勝邑層巒疊巘環峙四封

明熊秉衡南

豐兜港橋記

南城之東南鄙與閩接壤析為新城縣其山獨秀奇明麗

吳

澄送新城尹序

其山磅礴而清潤其水通暢而淵沉

虞集新城學記

黎川故形勝地所謂曠如奧如者郊關以外皆有之

明黃聰

新城皆春堂記

天峰崇峻石峽嵯峨不郭而固不池而險

新城形勝志



蕭曲日峰東巖石硤四面環向 明朱徽新城譙樓記

廣昌居盱江上游其地多佳山水 錢習禮清溪書院記

東鄰南豐西接寧都石城四境之內山高而秀麗水深而清

潔明何文淵廣昌縣志序

前對蟾石後據龍岡禪嶺插筆聳於左烏石列屏居於右 廣

昌形勝志

山川綢繆溪澗縈迴 鄧文器瀘溪志序

瀘地僻處一隅環四面皆峻嶺急流 明鄧可權瀘溪桐步橋

記

瀘陽疊嶂帷列縈水帶環 明呂應元瀘溪秀水溝記

去郡最遠隔界於新城金谿東接閩之光澤 郭子章郡邑表

說

### 廣信府

信之為郡江以東望鎮也牙閩控越襟淮面浙隱然為要衝

之會 宋王雷修信州城記

形勝地勢來自靈山中道起石如龍鬣隱見至郡而伏懷玉

峰聳出其隅森植猶束筍陰陽之勝甲天下 宋韓元吉信

州牙門記

當吳楚閩越之交為東南望鎮 宋李彌大法海院記

據省會上游靈鷲干霄自武夷來秀色吞匡廬而冰溪靚玉

縈達彭蠡 郭子章郡邑表記

北枕靈阜南帶冰溪東挹琅峰西瞻層巘 廣信府志

山川明秀原隰豐衍 上饒縣志

江南山水冠天下而上饒又冠江南鵞湖博山龜峰懷玉號



西江志 卷四  
稱形勝而靈山尤秀絕 宋釋覺範信州天寧寺碑記

巖壑深秀縣據南北衝 元張翥玉山武安塔記

玉山犬牙閩越蓋豫章第一門戶 郭子章郡邑表說

連閩越控吳楚乘輅之使聚糧之旅過是都而問津者轂相

擊履相錯 明夏子陽玉山西濟橋記

武安三山列於前懷玉三清聳於後冰水縈紆映帶左右 玉山縣志

山縣志

弋陽葛溪驛當西南水陸之衝其龜峰馬鞍寶峰南巖岑岫

莫不爭奇獻秀若渴虹奔騎絡繹而來 明李奎弋陽縣溪山勝覽樓記

山勝覽樓記

葛溪弋陽之別名也介乎閩浙之交山川秀麗稱東南諸邑

最 明李玘葛溪十咏序

山川之美著自古昔軍陽龜峰奇秀迴絕而葛溪武石諸水

縈洄映帶誠一方之形勝也 明黃易弋陽學科目題名記

南襟百越北帶三吳台嶺前瞻廬峰回盼 南唐陳喬新建龍

虎山張天師廟碑

居吳楚之中界據番水之上流南控甌閩東連江浙後枕峰

巒之雄秀前臨溪水之滌洄 明王增祐貴溪縣上梁文

象山奇偉薌水深長虎伏龍蟠歷代出神仙之地川鳴谷應

至今祀忠孝之神 貴溪縣形勝說

鉛山為八閩門戶鈺鼓之音晝夜不息其地憑高控流環數

百里之勢 明丁洪鉛山紫溪橋記

鉛山據江右上流襟喉八閩控帶兩浙 李奎鉛山學記

鉛山在郡南偏與閩地相錯如繡山高而峻水清而駛懸泉



飛遶郡郭而入於江

曹鼎望大義橋記

東倚鷺湖之勝跡西聯銅寶之名山南扼八閩之喉吭北據

兩浙之要會

鉛山縣志

五山輻輳蜿蜒如龍

宋真德秀永豐龍山書院記

永豐古揚境當吳越之交多深山巨谷

明呂懷永豐縣志序

由仙霞而東為浙之西戶由盤亭而南為閩之北門萬山聳

簇如長蛇如天塹

呂懷建永豐縣城碑記

南距歙山北控靈鷲拓陽諸關扼其左西嶽一峰障其右

永

豐縣志

縣依高山山皆巖石當一郡噬臍之間徑路匆達閩歙

明畢

竟容興安縣新城記

興安崇岡疊巘山勢盤旋在信州則為西境亦稍稍比於閩

矣 郭子章郡邑表說

興安壤偏賦尠而地當孔達

明歐陽洵興安劉令祠記

南距閩越北接徽寧

明鄭以偉興安通慧橋碑

饒州府

彭蠡既瀦 禹貢

地居澹浦邑帶鄱川

唐王德璉饒州記序

饒為沃野

唐元稹饒州刺史判

瀕江之地饒為大

唐劉禹錫集

洪厓鳳游之所磅礴鄱湖錦江之所涵渟靈淑之氣蔚為人

豪

明陳于庭饒州府志序

南接豫章西接楚東姑蔑北鵲岸東北鳩茲西南艾西北瀟

延袤千里山川序列道路四達

饒州府形勝說



饒為江右大郡土地肥衍明舒清重修府治記

水匯西南山環東北鄱陽志

餘干吳楚冠冕左掖羊角峰右曳弋陽溪後枕平曠遠倚吳

山前襟越水明一統志

其地濱彭蠡而接廣信負山阻水元李謙餘干升州記

餘干彭蠡上游為越喉舌晉謝安與馮內史書

樂平山水重岡盤紆由東而來縣治實據其趾宋許錫簡靜

堂記

樂邑既勝於水復雄於山明陳九德樂平鎮西樓記

北主康峰南濱章嶺內河源發鏹山分兩支而環縣治外河

注滌洎水橫一邑而匯鄱江洪巖鬱葱萬山森秀樂平形

勝志

北嶺如拱如揖洎江如環如抱明黎澄樂平泮池記

樂平東抵德興西連鄱陽北界浮梁而南則廣信接壤焉土

地方平山氣麤峻郭子章豫章書郡邑表說

浮梁山水之勝名鄱陽百里內奇峰秀巘間見雜出宋程俱

飽山閣記

二水環縣諸峰玉立元李午浮梁化成堂記

上達徽祁下通鄱縣居二省三郡八縣之間浮梁縣志

浮無天險而包山阻河城郭固之五方之豪叢於景鎮同上

饒邑多以水勝獨德興在萬山中萃律迴環蒼翠萬狀可亞

匡廬東距浙北距新安三省交牙四塞為境明祝世琳德

興縣志序

煙火百里雞犬相聞明董仲可重建德興縣治記



廣山包絡大湖限帶

明夏寅德興縣學記

玉真山峙其後雲錦溪環其前

安仁縣志

萬年四會之區饒郡一奧壤也

明王鑾萬年大捷橋記

其山險其氣勁

郭子章郡邑表說

環山疊嶂高阜停雲萬斛峰拱於前萬年峰盤於後

萬年縣志

### 南康府

廬山南國之德鎮

梁元帝碑

瞰七澤真如掌瞻九河直如帶

梁沈璇簡寂觀碑

南瞻五嶺北睇九州

唐歐陽詢西林寺碑

匡廬奇秀甲天下

唐白居易草堂記

匡廬天下之名山江表之勝槩

南唐馮延巳開先寺記

蜿蜒蟬聯指列條敷亘五百里實溢城星渚之奧區洪州諸

郡下流之屏障

匡廬山志

靈谷煙雲廬山風月

翰苑新書

負匡廬面彭蠡南國咽喉西江鎖鑰

南康形勝志

星石浮南鞋山鎖北山澤雄奇帶礪險固

南康府志

本軍邊臨大湖舊有石砌堤築堰住西灣水汊藏泊舟船

朱

子乞修築石堤劄子

彭蠡之險在吾戶外

宋呂祖謙紫陽堤記

山嶽配天廬阜標其秀江湖紀地彭蠡擅其雄盤址崔巍層

淵秘邃

宋晏殊重修真如院碑記

廬阜諸山聳然特起駢首而立者八九又高且大者五焉有

冠劍巍莪之貌無草木滋媚之容

宋趙師夏六老堂記



踞匡廬而綰彭蠡足稱奧區 明張位重修白鹿洞記

巖壑幽邃林木翳然真名教一樂地也 明葛寅亮重修白鹿

洞書院記

自五老峰來絕壁懸天一峰南下如頓萬馬可二十里崛起

一山而四山環之 白鹿書院形勝志

左蠡揚瀾翼若游龍而藍平山橫亘其間如榜斯揭 明高羸

南康府學記

彭蠡湖匯江西十三郡六十餘縣之水由湖口以出於江每

春夏雨集峽水盛長江流湍急而湖水勢緩復為江流所

遏則水益漲瀾漫數百里 明陳敏政重修紫陽堤記

本軍都昌縣地實瀕江然上有棠陰下有楮溪大小五寨近者四五十里遠亦不過百餘里逐處可以綽望把截 朱子

都昌新寨利害狀

都昌依山枕湖全省要會之地 明萬浩新建都昌城記

環山帶水形甲東南 明王堯臣修都昌縣廳事記

兩水腋之其狀如帶西山雲居環之其狀如翼 宋王容建昌

學記

修江衡前名山峙右 虞集建昌學記

建昌鄱湖上游控修江諸阜洪所恃北門也 張鏊建昌縣城

記

四面諸山環拱若抱澗澮清歷如畫 明余祐安義縣治記

自匡廬雲居迤衍而成邑 明楊三省安義大唐寺記

寶峰西山映帶左右龍江澄碧淙淙几案間 明劉同升遷安

義學記



九江府

九江孔殷禹貢

潯陽陸通五嶺北道長江遠行岷漢亦一都會也晉地道記

源二分於岷峽流九派乎潯陽鼓洪濤於赤岸淪餘波乎柴

桑郭璞江賦

南面廬山北背大江圖經

山亞五嶽江比四溟明一統志

左挾彭蠡右傍通川方輿勝覽

潯陽乃天下江山眉目之地白玉蟾投墨堂記

德安接岷山之脈彭澤挺文筆之峰蜀江下湖口孤山峙鄴

鎮實吳楚襟喉江右衝要九江府志

東連安慶西接蘄黃南與南康建昌鄰而北渡黃梅京師孔

道出焉郭子章郡邑表說

山擁千峰江環九派德化形勢說

左貫彭蠡右環金帶明劉鍾德安縣志序

控匡廬而注彭蠡龍虎鳥龜環拱而翼衛明姚文燕重建德

安學記

接岷山之派向博山之陽形如鳳舉勢若屏開德安形勢說

東北匯兩湖之水西南聳萬疊之峰形若栖鸞勢如盤石瑞

昌形勢說

古赤烏邑幅幘不知幾百里其西南隅薄於柴桑之壤乃與

江州蘄州二衛屯田相錯如繡明李盛春瑞昌大塘堰碑

記

雉外羣峰環拱如舞如飛山明而水麗文德翼重修瑞昌學



瑞昌於九江稱最僻縣居讓溪之北亦山邑也 郭子章郡邑表說

湖口皆窳地也然秀色攬廬文瀾吞江 明葉初春湖口學記  
湖之為邑亢而窄 張鏊湖口成德書院記

鐵屏橫峙石鐘環抱據江湖之險當吳楚之衝 湖口形勢說  
彭澤地狹山峻 唐狄仁傑免民租疏

彭澤居彭蠡下流濱大江阻疊嶂 明雷禮彭澤修學記  
環山為治獨缺其西北而江走其下 明丁湛彭澤柳洲記

據彭蠡跨海門砥柱橫江龍城四塞 彭澤形勢說  
去小孤山十里而近其境西南接湖口都昌東北踰馬當山  
交望江江右之境盡焉而小孤又江右一門戶云 郭子章

郡邑表說

南安府

南安江西之南境 宋蘇軾南安軍學記

南扼交廣北距湖湘 宋范大用祠記

凡臺省命使之宣布廣海筐篚之獻納莫不道出茲郡 元張鑑重修南安路記

控廣引閩據上流遏邊徼 元伍庠總管府治記

南安介萬山間得掌平之地為郡治峰巒連絡不斷鳴溪曲  
澗自聶都而下莫測其源 明金潤金鰲閣記

庚嶺兩廣往來襟喉萬足踐履冬無寒土 明桑悅重修嶺路記

當五嶺之最東 輿地廣記



面庾嶺據高原臨章水扼上流

金潤南安城記

接南荒之境迫東粵而帶郴桂表以庾嶺旭山匯以章水蓉

江隆然南徼形勝

郭子章郡邑表說

嶕嶺峙其南黃嶺盤其北龍泉山谷峻深溪洞緜亘惟邑處

四境之中章水繚繞秀峰壁立

宋鄭霖新建南康縣治記

睽維南埜小邑實據西江上流衣冠文物之名區財賦舟車

之都會

元王元渤南康鼓樓上梁文

隄岸曠衍波瀾老成獨秀峰屹立雲表勢若插天其餘江山

環拱如画

明鍾贊南康通濟橋記

江之南諸溪壑之水盡流而會于馬山之麓

明陳瑾重築水

堤碑記

庾嶺所衍章水所經而邑治建焉東南隩區也

明劉賓南康

訓導廳記

南安壤地橫水劇賊盤踞之山溪深阻險惡攻不可入

明劉

節王文成祠記

上猶之地山崎峻而水激括

元孔思文上猶學田記

溪洞廣袤而邑落其中民以山深而俗淳亦以山深而藏寇

元黃文傑重修上猶縣治記

上猶民稀而地僻歲稍凶山洞愚氓嘯聚為寇

明黃仲昭修

城記

上猶為江藩邊邑接壤雄韶萬山會焉

郭子章郡邑表說

崇義稱南郡奧區

明萬夢桂縣治題名記

衆山壁立路如鳥道

劉凝崇義形勝志

贛州府



虔於江南地最曠大山長谷荒翳險阻交廣閩越銅鹽之販道所出入 宋王安石虔州學記

貢源出新樂章出大庾合流域郭於文為贛奇峰怪巖環視萬狀 宋趙忞章貢臺記

南州自豫章右上其大州曰吉又大曰虔 李觀虔州柏林書樓記

接甌閩百粵之區介谿谷萬山之阻 宋洪邁表 贛之為州控江西之上流而接南粵之北陲故裏常一路之

兵鈴而外提二境之戎柄其地重大 楊萬里章貢道院記 贛之為邦其山聳而厲其水湍以清 楊萬里贛縣學記

南方之山衡為宗自衡衰而南稍東為大庾衰而北又稍東為盤古其地界閩越故吳上游今隸贛 宋曾丰盤古山記

贛於江西為樞府其城據章貢二水合流之處山川雄秀 明彭時遷學記

宅江西之上游當五嶺之要會其地與閩廣湖湘諸郡邑犬牙相錯 明羅欽順重修府城記

南贛四省咽喉而粵則南贛肩背郴衡其左腋也汀漳其右臂也 明何廷仁送王中丞序

贛地最雄鉅崆峒摩天章貢激石 郭子章郡邑表說

贛州據吳之背扼粵之項而雩都則又贛之咽喉也 元陳至言祠記

衆山環列孤峰中峙 宋周頌雩山廟記

雩邑形勢據贛上游山水之所會九邑之所通也 明袁淳雩都志序



青山黛環巧比疊削城屋壯麗地大以延明解縉零都樂善堂記

由午嶺隘南接信豐而連龍南由豐口隘東接會昌而迫安遠山澤不逞之徒間道竊發故惟城為要明黃弘綱零都城記

邑介山谷間群山競秀若拱若揖一水漪綠映帶其前明李涑零都勤政樓記

前臨南山後峙浮屠碧桃之水繞其東九日之岡盤其西胡儼信豐譙樓記

通天下大縣四十其隸於江西之贛者二而與國居其一宋朱夢龍莊令祠記

興國地僻谷荒山嵯水悍郭子章郡邑表說

兩都壯其祖龍五嶺堤其汛駛經以濺川抱以激水明盧寧興國朱華塔記

贛十縣水多飛流奔湍行崖峽間寧都獨平川漫流明羅玘送平令之任寧都序

贛東之邑寧為大明黃克纘寧都志序

寧都為贛大邑東有佛祖嶺西有金精山奇螺之石拱於南梅江之水繞於北明陳勉寧都拱辰橋記

贛之屬曰會昌州壤接閩廣實邊徼重地元程從禮會昌州廳記

其地僻遠且險明董越會昌公館記

會昌實巢峒出沒之區羊角水在上游命將耀兵當東偏一面郭子章郡邑表說



安遠巖邑也。暫礮峻增盤迴，湍渺誠僻陬。一奇壤，明林有科

安遠志序

瀟江在章貢，雖僻遠名邑也。鄒元標安遠學記

欣山拱翠，瀟水浮清。馬鞍列嶂，熊嶺浮几。崇巒廣谷，聳拔者

堪供游憩。險絕者可資保障。安遠形勝志

瑞金地接閩汀，在屬邑最為僻遠。董越綿江公館記

萬山連亘，人跡稀少。其深阻處常為盜區。明羅璟瑞金城記

襟山帶江，風藏氣聚。明潘季馴瑞金學記

軍門龍山峙其前，銅鉢龍霧映於後。隘山閩嶠，亘其左。螺峰

石塔抱其右。瑞金形勝志

龍南僻處萬山中，視他邑規模差小。以要衝言則非小也。明

楊拱龍南城記

叢林里落紛錯，相望雉堞井閭層疊。縣聯據三江之會者，是

為邑城。明王宗徐龍南汴河堤記

南際萬山盤錯，縈紆百餘里。水行者必道龍頭會，一邑千派

之注湍悍峻，駛亂石交錯。其中廉利如劍。王宗徐新開龍

南山路記

石城環縣，皆石轟轟如城。有龍巖瀑布，石筍參天之奇。郭子

章郡縣表說

四山如城，龍淵虎壘。石城形勝志

定南新創邑，據虔上游，故為盜區。郭子章定南學記

長寧帽山插天，鄔水經地。安志



西江志卷第四

西江志

卷四

三

西江志卷第五

城池

一

疆域附

芒芒九土幅員既長惟王建國經野辨方我泉我池迺城迺隍壯哉嬰堞屹矣女牆下因乎川上陟乎岡胥役民力以為民防四達之區重湖九江道里衝僻纖悉具詳山高叢叢水流湯湯毋滋伏莽式固圉疆作城池志

南昌府

即省城南昌新建二縣附郭

漢潁陰侯灌嬰築豫章城廣十里八十四步闢六門南曰南

門松陽門西曰臯門昌門東北二門各以方隅名詳雷次

宗豫章記

晉咸寧中

林志作太康中

豫章太守范甯更闢東北

西北二門合八門

唐垂拱元年洪州都督李景嘉更築

之凡八門題額皆會稽公徐浩所書元和四年刺史韋丹

西江志

卷五

城池

一



復修築東北隅置敵樓其上其東門樓久頽亦改建焉貞元十四年觀察使李巽闢東南樓而新之號避暑樓夏日宴會於此南昌副使符載有新廣城門頌 南唐保大十年建南都於此 宋洪州城周三十一里門十六南曰撫州繚而西轉曰宮步寺步柴步井步章江倉步觀步洪喬廣恩北郭十門皆濱江繚而東轉曰琉璃壇頭故豐廣豐望雲五門皆平陸紹興六年李綱來帥以城北歲擁江沙遂橫截東北隅入三里許其廣豐北郭永泰故豐四門廢門凡十二 元仍宋舊至正十一年兵起蔡潁蔓延江淮武昌失守江西行省平章道童郎中普顏不花募壯勇具戰備城門十二各建樓櫓次年寇至死守者五十有四日寇去包希魯有守城記 明初壬寅歲定洪都大都督朱

文正以城西南濱江改築于內視舊城殺五之一周二千七十丈有奇高二丈九尺厚二丈一尺東南北三隅浚濠長三千四丈有奇闊十一丈深一丈五尺宮步井步倉步

觀步洪喬五門廢建七門東曰永和又名澹臺東南曰順化又名

琉璃南曰進賢舊名撫州又南曰惠民舊名寺步西南曰廣潤舊名柴步西

曰章江北曰得勝門樓七角樓四舖七十座埤堦二千六百八丈置水關閘城內東西湖水於此出萬曆七年巡撫劉斯潔屬知府王三錫撤去廣潤惠民章江三門月城內舖廊并拆傍牆蓬舍以防寇賊踰越三十六年巡撫衛承芳屬知府盧廷選清查城內古蹟火巷還官拆去傍牆屋舍

國朝康熙四年總督張朝璘巡撫董衛國等捐俸增修



豐城縣

舊城在縣西二十里唐永徽初遷縣治於章水之東故無城  
元延祐初州尹汪從善築土堤以遏暴漲周迴十里環  
郭六門中有子城一里二百步歲久頽圯 明正德七年  
知縣吳嘉聰重築土城高丈餘廣四里尋被水圯嘉靖四  
十年廣閩寇警知府韓弼詣縣相度率知縣王徽猷更築  
磚城周一千三百六十丈有奇高一丈七尺五寸厚六尺  
為四門門各有樓又小門三曰折桂廣益登仙皇華望仙  
江關小東萬寀記萬曆十四年知縣韓文修之三十六年  
知縣張廷拱重修崇禎十年知縣郝錦加修  
國朝順治十二年雨圯知縣宗彝補築十六年文圯知縣何  
士錦重修康熙元年士錦再修之

進賢縣

舊無城明正德五年鄰盜煽起署篆同知汪穎議築土城知  
縣朱南英加砌以甃三十年知縣陳鎮重修蔡國珍記崇  
禎十三年知縣李允佐增高之

國朝順治九年知縣王家禎詳建礮臺敵樓康熙二年總督  
張朝璘檄知縣王虞加修  
奉新縣

唐神龍二年縣丞高良弼遷新吳縣治於馮水之北舊無城  
長慶三年知縣劉正一率民築土城周五里南北二門歲  
久圯 明成化二十二年縣令鄧誠設五門正德五年華  
林寇起副使吳一貫知縣鄒鯤重築南盡河岸北抵山麓  
皆以磚壘嘉靖元年水漲城圯知縣朱雲鳳修之隆慶五



年知縣陳雋重新之至萬曆元年工始竣周迴八百八十二丈五尺爲四門東賓暘西齊霞南迎熏北拱辰南門左右各開水關萬曆間知縣胡東陽李呈芳周道昌均事修葺崇禎十四年知縣璩伯琨奉檄修城艱於費各里甲捐助增高之

國朝康熙三年知縣馮其世重修

### 靖安縣

自南唐倡縣有城周二里莫詳其始歲久頽圯明正德六年華林寇起副使吳一貫知縣萬士賢始築土城內外有池四隅有門董諮記嘉靖四十一年知縣趙公輔更築甃之以石周五百丈有奇高一丈七尺廣八尺改正四門方向至四十三年迄工吳瑄記萬曆五年知縣鄭煦復改東

### 南二門向

國朝康熙七年知縣任嘉瑞仍遷東南二門如舊址二十八年雨圯知縣高克藩重修之

### 武寧縣

唐天寶四年縣令范應殊始築歲久圯無城明洪武三年知縣饒永謙因故址築垣爲四門復圯正德六年知縣李梅重築廣七里許高一丈十五年知縣陸浚重修復圯嘉靖年間知縣葉棣始砌以垣周圍一千三百丈高一丈二尺厚二丈爲門六上覆以樓知縣姚永成王紀相繼成之十二年知縣劉源清加甃以石嘉靖三十七年同知素株三十八年知縣程光甸相繼重築完工名其門東曰啓和西迎恩南來撫北拱極東南文明西南田洽復闢水西關



西江志 卷五  
城上窩舖二十四所萬浩記萬曆三十六年水圯知縣周光祖修之四十五年知縣沈景初改東南文明門於學宮前建甲秀樓黃汝亨記

國朝康熙三年知縣聶當世重修熊人霖記

### 寧州

舊城經始無考周迴四百八十步歲久圯 明洪武二年知縣項中宣因故址築之正德六年知州林文琛更築周一千十八丈門四東迎恩西通遠南廣魁北鳳巘水門八每門俱覆以樓窩舖四所城北倚山東西南三面臨河為池萬曆三年知州陳以忠甃之以石  
國朝康熙六年知州徐永齡捐俸重修

### 疆域

### 江西省

廣九百七十里袤一千八百里東至江南徽州府婺源縣界六百里西至湖廣長沙府瀏陽縣界三百七十里南至廣東惠州府和平縣界一千二百三十里北至湖廣黃州府界五百七十里自省城南浦驛起歷六十二驛計四千八百五十里達於

### 京師

### 南昌府

附江西省城東至饒州府餘干縣二百四十里西至湖廣岳州府平江縣界四百九十里南至臨江府清江縣界二百里北至南康府星子縣一百八十里

路程細數詳各縣

### 南昌縣



附郭廣八十里袤一百一里

一南陸大路自縣南浦驛八十里至殷家渡本府豐城縣交界一東南陸大路自南關口分路六十里至土坊鋪本府進賢縣交界一東陸大路自省出東關菩提寺五十七里至梓溪圩本府進賢縣交界

一小陸路自省往東北桃花塘五十七里至趙家圍烏龜寨本府新建縣水路交界

一水路自省城滕王閣章江渡九十里往上至大港口本府豐城縣交界一自章江渡往下一百四十五里至梁家渡撫州府臨川縣交界

新建縣

附郭廣一百六十里袤一百八十里

一北陸大路自滕王閣過章江渡八十五里至豐安村南康府建昌縣交界一西南陸大路自沙井分路五十七里至烏山鋪瑞州府高安縣交界

一西南小陸路自胡家橋分路口往西五十七里至分水廟南康府安義縣交界一自青山往西南三十五里至界牌鋪本府奉新縣交界

一南水大路自章江渡一百里至羅家渡瑞州府高安縣交界一北水大路自章江渡一百六十五里至焦尾洲南康府星子縣交界

一小水路自樵舍分河往東四十八里至鄱湖饒州府餘干縣交界一自吳城分河往西五里至蘆潭渡口南康府建昌縣交界



豐城縣

在府西南一百二十里廣二百一十九里袤三百二十八里  
一北陸大路自縣四十里至殷家渡本府南昌縣交界一西  
南陸大路自縣四十里至泊海村臨江府清江縣交界  
一東小陸路自縣由荷塘村一百里至北澤村撫州府臨川  
縣交界一東南小陸路自縣由津頭橋一百里至黃檗界  
撫州府崇仁縣交界一西小陸路自縣大岸渡過河七十  
里至馬鞍嶺瑞州府高安縣交界一南小陸路自縣一百  
十里至丁家嶺撫州府樂安縣交界一東北小陸路自縣  
四十五里至三江口海福寺本府進賢縣交界  
一南水大路自縣劍江驛四十五里至牛灣塘臨江府清江  
縣交界一北水大路自縣劍江驛四十五里至漳湖渡本

府南昌縣交界

進賢縣

在府東南一百一十里廣一百四十五里袤一百四十里  
一西北陸大路自縣由雲橋舖六十五里至池港街本府南  
昌縣交界一東陸大路自縣由牌坊下四十八里至野塘  
撫州府東鄉縣交界一東南陸大路自縣四十五里至禮  
坊村撫州府臨川縣交界  
一小陸路自縣至棗樹舖分路往東北四十里至潤陂鎮饒  
州府餘干縣交界一自縣往西四十七里至三江口本府  
豐城縣交界  
一小水路自縣新橋往上五十五里至花園發源止一自新  
橋下由青龍橋一百五十八里至梅溪汛饒州府餘干縣



西  
卷五  
交界

奉新縣

在府西南一百二十里廣一百六十里袤五十里

一東陸大路自縣二十里至筲箕鋪南康府安義縣交界一  
東南陸大路自縣城三十五里至界牌鋪本府新建縣交  
界一西陸大路自縣一百十里至茅岡鋪本府寧州交界  
一南陸小路自縣二十里至鑿岡嶺瑞州府高安縣交界一  
北陸小路自縣二十里至烏嵐鋪本府靖安縣交界  
一小水路自本縣奉化鄉發源起由寒溪寺一百四十五里  
至石鼻市本府新建縣交界一自本縣往東北十里至故  
埠河南康府安義縣交界

靖安縣

在府西一百六十里廣一百二十里袤九十五里

一東陸大路自縣三十里至齊頭山南康府安義縣交界一  
南陸大路自縣二十里至烏嵐鋪本府奉新縣交界一西  
陸大路自縣由沙河橋鋪八十里至朱家山本府武寧縣  
交界

一西陸小路自縣至沙河橋鋪一百十里至茅竹山頭鋪本  
府寧州交界

一水路自縣治一百十里至苦竹小溪本府寧州交界一自  
縣北津橋三十五里至姚灘南康府安義縣交界

武寧縣

在府西北二百八十里廣一百六十里袤二百六十里

一東陸大路自縣一百里至磨刀嶺南康府建昌縣交界一



南陸大路自縣八十五里至斜石鋪本府寧州石岐水路  
交界一南陸大路自縣渡河由溥濟寺一百三十八里至  
宋家山本府靖安縣交界

一北陸小路自縣一百一十里至黃土嶺湖廣武昌府興國  
州交界一東北陸小路自縣九十里至董崖洞湖廣武昌  
府通山縣交界

一水路自縣往下一百五里至河漚南康府建昌縣交界一  
自縣往上一百二十里至石岐本府寧州交界

### 寧州

在府西三百六十里廣二百十里袤二百六十里

一東南陸大路自州八十三里至茅竹山頭鋪本府奉新縣  
交界

一小陸路自州往南一百六里至找橋鋪瑞州府新昌縣交  
界一自州往西二百四十里至大圍山湖廣長沙府瀏陽  
縣交界一自州往西一百里至湖廣長沙府平江縣龍門  
廠交界

一水路自本州查津發源一百三十里至斜石鋪本府武寧  
縣交界

### 瑞州府

高安縣  
附郭

凡南北兩城唐李大亮始築土城浚濠 南唐昇元初高安  
令陳成昭修之保大十年刺史王顏重修 宋元豐間州  
守毛維瞻建炎間州守黃次山相繼修築 元至正末總  
兵元帥張岳平章火逆赤均事修葺歲久盡圯 明正德  
間知府鄺璠築南北兩城北城周迴一千一百二十四丈



八尺濠長八百丈門五東迎恩西鍾秀南鳴鳳北阜成東  
 北拱辰南城周迴一千六百一十三丈二尺濠八百六十  
 七丈門六東朝陽南高明西靖安北通濟濯錦澄江參議  
 沈煉記之嘉靖三十九年倭寇報警知府韓子允方邦慶  
 相繼集工於四十三年告成尚書吳山及郎中况維垣皆  
 有記崇禎間推官張大烈重修北城郡守楊大名增修南  
 城

國朝康熙二年巡道周體觀增高北城知府高全忠捐葺南  
 城少宰熊文舉記之

上高縣

舊有土城周迴五里 宋嘉熙中知縣江湘重修自為記周  
 迴一千一百一十二丈七尺濠六百五十三丈門五曰濯

錦旭屏招教末華環州久圯 明正德七年知縣王以旂  
 循舊址鑿池樹柵未復舊觀萬曆間知縣程大廉增修之  
 吳學詩記崇禎九年寇警知縣蔣先顯增高三尺  
 國朝順治初知縣張朝荃修葺康熙三年總督張朝璘檄縣  
 增修

新昌縣

舊有土城周五里 宋嘉定間知縣趙綸修之為門四東迎  
 恩西惠政南化成北環秀董子焱記 元末徐壽輝僭據  
 復修歲久圯 明成化二十年布政陳煒參議陳選檄知  
 縣汪道即舊址重築張元禎記二十二年巡撫閔珪委同  
 知李寬知縣龔伯寧內外砌磚高一丈五尺厚五尺建月  
 城于外正德五年知縣胡椿加修設敵樓九所嗣後知縣



李長推官應玻知縣俞家良暨崇禎間知縣何謙李京元相繼葺治十四年楚寇震鄰知縣吳景亶捐俸加築增高數尺

國朝康熙三年兩圯知縣黃運啓捐修

疆域

瑞州府

廣二百三十五里袤九十五里東至南昌府新建縣界五十里西至袁州府萬載縣界一百八十里南至臨江府清江縣界六十里北至南昌府奉新縣界三十五里自府治至省城一百二十里

路程細數詳各縣

高安縣

附郭廣一百里袤九十五里

一北城通省陸大路自石橋出東門外豫章橋六十里至南昌府新建縣烏山鋪交界一自石橋起出北拱辰門三十八里至鸞岡嶺南昌府奉新縣交界一自石橋起至府治出西鍾秀門五十二里至宜豐橋本府新昌縣交界一南城自石橋仁濟門起出南高明門東路自黃家小橋六里至曲水湖臨江府清江縣交界西路李家橋五十三里至黃泥村本府上高縣交界一自石橋仁濟門起出朝陽門一十七里至青潭嶺南昌府豐城縣交界一水路自縣前石橋上水一百里至界埠本府上高縣水路交界一由縣前石橋下水四十里至羅家渡南昌府新建縣交界

上高縣



在府西南一百里廣一百五十五里袤四十五里

一東大路自縣南門出由浮橋河南墟市三十七里至黃泥

村本府高安縣交界一西大路自縣南門一百三十二里

至末山尾墮落江素州府萬載縣交界

一小陸路自縣西門三十里至凌江口本府新昌縣交界

一水路自縣浮橋往上一百里至素州府萬載縣交界一自

縣前浮橋往下六十八里至龍口渡本府高安縣交界

### 新昌縣

在府南一百二十里廣一百三十五里袤一百一十里

一東陸大路口出迎恩門六十里至宜豐橋本府高安縣交界

一小陸路自縣東南二十里至青水舖本府上高縣交界一

自縣北八十里至找橋舖南昌府寧州交界

一西水路自平政橋上五十里至黃花莊水源止一自平政  
橋下計水路五十里接本府上高縣界一西有黃岡口小  
溪筏木排水路四十五里至楊木江口入素州府萬載縣  
河界

### 素州府 宜春縣附郭

相傳漢大將軍灌嬰所築 隋大業末蕭銑陷城 唐武德

四年安撫使李大亮築城高二丈東西南三面開濠闊七

尺北以江為濠開元八年刺史房瑄以城基卑濕欲遷郡

於江北素山之南不果乾寧二年刺史揭鎮築羅城一千

五百餘丈又增築外城濬治濠塹 宋大中祥符間修圖

經云城周迴七里二十步高三丈八尺子城周圍一里一

百二十步高三丈七尺北枕秀江三面濠深四丈建炎初



守臣汪希旦治中閭正霖革舊城而一新之周迴二千三百一十五步高二丈女牆三千五百敵樓戰柵五十總六百五十間阮閱記開禧間州守羅克開復加修治張嗣古記後守鄭自誠李觀民方岳相繼繕修 元仍宋舊明洪武四年知府劉伯起增修築堞剏四門城樓東宜陽西萍實南大仰北素山天順七年水溢城圯知府劉懋指揮石旻繕修弘治六年知府王俊修南門正德七年知府姚汀修月城十五年夏大雨城圯知府羅輅增修嘉靖間知府袁襲裳重修萬曆中知府鄭惇典黃鳴喬均事修築崇禎四年知府田有年增修

國朝康熙三年靈雨城圯守道施閏章知府李芳春修之芳春自為記

### 分宜縣

舊無城明正德七年知府姚汀知縣蕭時賓始奉檄築城以訕于財力高僅丈餘厚不及三尺南濱水稍壘石堤列木柵其上嘉靖三十七年旁郡寇起巡撫何遷檄知府季德甫知縣戴廷恣經理築城長四百七十六丈高一丈八尺廣一丈二尺南面河岸不可城乃自河底甃石高二丈四尺上與岸平加女牆六尺舊城門四增為五東僊臺西昌峽南清源北素峰又小北門城樓五水關二

國朝順治九年知縣江載清十三年知縣吳大相相繼修之康熙三年總督張朝璘守道施閏章知府李芳春各捐俸檄知縣朱鼎修葺

### 萍鄉縣



舊無城明正德七年知縣胡佩始築土城十二年知縣高桂修之嘉靖三十七年知縣楊自治重修四十三年知縣蔣世謨架木其上覆以瓦萬曆三年知府鄭惇典建議重修其東南民居環匝濱河未城十一年巡撫王宗載檄同知陶之肖築磚城知縣沈校董其役培石基拓馬道周迴九百一十八丈高一丈五尺闊九尺門四東來陽南達秀西連湘北通楚又小西門東南加設三門以便汲道儒學前闢禹門以挹風氣十三年知縣姚一理慮城基臨水易圯增築沿江護城石堤

國朝順治九年知縣吳興祚修之十一年知縣刁之喬繼修康熙二年知縣臺瞻斗增葺

萬載縣

舊無城明正德六年華林盜起知縣陸璫議建城以調去八年知縣王甸立子城三門東雙虹西勝跡南南浦十三年知縣張邦穀復置土垣架木覆瓦高一丈有奇下廣一丈四尺延袤計一千二百三十一丈立七門門各建樓東朝京南南浦西錦衣北龍江又小北門小南門小龍江門嘉靖二十二年知府范欽知縣李參修之四十三年署縣推官郭諫臣重修萬曆間知縣徐一唯陳王廷張履中倫應祥姚繼舜先後修治崇禎五年流寇禍延吉州知府田有年檄縣固守城池知縣韋明傑重修鍾炳記

國朝康熙三年知府李芳春知縣范廷鳳捐修南浦等處設木柵十三年棚寇陷城知縣吳自肅設柵三十六所二十一年知縣常維禎再修



疆域

袁州府

廣三百四十里袤二百一十里東至臨江府新喻縣界一百五十里西至湖廣長沙府醴陵縣界一百九十里南至吉安府安福縣界六十里北至瑞州府上高縣界一百五十里自府治至省城四百里

路程細數詳各縣

宜春縣

附郭廣九十里袤一百二十五里

一東陸大路自縣東門落流橋三十里至郴江市合山本府分宜縣交界一西陸大路自縣西門五十里至分界鋪本府萍鄉縣交界一南陸大路自縣南門五十里至澗富嶺吉安府安福縣交界一北陸大路自縣北門六十五里至

西嶺鋪亂石嶺本府萬載縣交界

一東南陸小路自張家山五十五里至嚴塘嶺本府分宜縣交界一東北陸小路自縣北門由石里山八十里至黃圃市慈化寺湖廣長沙府瀏陽縣交界一西北陸小路自縣北門由化城崖一百二十里至楚王廟本府萍鄉縣交界一水路自縣北門往上八十里至宣峰市本府萍鄉縣交界一自縣北門往下八十里至江斜塘本府分宜縣交界

分宜縣

在府東八十里廣六十里袤二百里

一東陸大路自縣東門二十五里至袁家渡臨江府新喻縣交界一西陸大路自縣西門四十里至郴江市合山本府宜春縣交界一南陸大路自縣東門萬年橋五十四里至



西江志 卷五  
車谷吉安府安福縣交界一東北陸大路自縣東門五十  
五里至土橋臨江府新喻縣交界

一西北陸小路自縣北門六十五里至嚴塘嶺本府宜春縣  
交界

一西水路自縣出西門渡口往上三十里至江斜本府宜春  
縣交界一自縣出東門往下二十五里至素家渡臨江府  
新喻縣交界

萍鄉縣

在府西一百四十里廣一百五十五里袤二百三十里

一東陸大路自縣東門管埠橋九十里至分界鋪本府宜春  
縣交界一西陸大路自縣西門六十里至新插嶺關湖廣  
長沙府醴陵縣交界

一小陸路自縣西門由銀橋一百里至嚴壺嶺湖廣長沙府  
攸縣交界一自縣南門萍實橋九十里至高布嶺吉安府  
安福縣交界一自縣北門一百二十里至桐木市湖廣長  
沙府瀏陽縣交界一自縣出北門由通濟橋七十二里至  
桐木嶺本府宜春縣交界

一水路自縣出北門由通濟橋七十里至楚王廟發源止一  
自縣往東一百九十里至宣峰市俱係高灘水急本府宜  
春縣交界

萬載縣

在府北八十里廣一百四十五里袤一百九十五里

一東陸大路自縣東門十五里至墮落江瑞州府上高縣交  
界一西陸大路自縣西門一百二十里至龍圖廟湖廣長



沙府瀏陽縣交界一南陸大路自縣南門十五里至甘泉市本府宜春縣交界

一小陸路自縣出北過龍河渡一百三十里至猿柱嶺湖廣長沙府瀏陽縣交界

一水路自縣治龍河渡往上一百四十里至棗木橋本府宜春縣渺蕪嶺發源交界止一自龍河渡往下三十里至埠頭瑞州府上高縣交界

臨江府

清江縣附郭

舊無城宋淳化初止築土墉以治枕大江地勢卑下郡中之渠穿岸而東注於江者凡七岸易傾頽基勿克固元大德間總管李倜始伐石修築水患僅免至正間守臣保童築城浚濠置戍兵守之東一面尋沒於江西南北三面亦

俱圯明弘治十年知府吳敘度故址增築之正德六年華林賊寇城知府熊希古始改築為磚城周迴一千五百六十七丈高一丈六尺有奇雉堞凡二千九百四十二濠闊一丈五尺深一丈為門八曰廣濟鍾秀望仙朝天富壽清波萬勝圍化提學彭綱記之後東南復為江水所壞嘉靖元年知府徐問十四年知府徐顥先後修之三十九年巡撫何遷按郡病城卑薄檄府增築建宿樓三十一所敵臺十五座崇禎八年知縣王心純復修十四年十五年水患相繼城圯知府胡永清知縣秦鏞以次修築

國朝順治八年清波門壞知縣洪其清重築康熙二年總督張朝璘按郡又檄縣增高二尺六年大雨城圯數十丈守道施閏章知府王撫民知縣屈有信捐資重築今城為門



西江志 卷五  
十曰廣濟南薰舊名鍾秀西成舊名望仙朝天富壽文明清波萬勝  
興化育賢

### 新淦縣

唐天祐中楊行密據江淮用嚴可求策置都制置使始築城  
戍兵守之 宋罷制置使城亦圯元祐中縣令張好古復  
建尋圯淳祐間洞獠猖獗知軍雷應春以築城請於朝竟  
以浮議阻 元至正壬辰臨江軍戍卒劉天佑倡集義兵  
樹柵自衛 明初知州王貞增修之正德九年知縣劉天  
錫始用石砌築高一丈七尺周七百六十三丈城舖六敵  
臺二十八濠闊六丈深一丈為門七曰賓陽近春澄江湄  
湘向明阜民朝天嘉靖四十年知縣樂舜賓增高之崇禎  
間流寇犯境知縣劉拯濬濠

國朝順治間知縣潘岭修建城樓康熙間知縣高檠胡之琳  
相繼修葺

### 新喻縣

為虎瞰山地舊無城宋靖康元年創築周五里許 元末壬  
辰兵變為歐祥所據邑人黃士能率眾奪而守之歲久盡  
圯 明正德八年知縣鄒彥奎因舊基築土城嘉靖四十  
一年知縣祝爾慶改建磚城周迴九百六十五丈高一丈  
三尺廣九尺為門七曰迎恩納凱集泰通瑞鳳皇雲津松  
關崇禎十年知縣汪士龍增修

### 峽江縣

國朝康熙二年總督張朝璘行部至縣增高重築  
地為峽江鎮舊無城嘉靖五年始立縣知府錢琦度地建城



周迴七百六丈三尺高一丈二尺廣一丈二尺門四東朝陽南龍津西水東北朝天城樓四座守宿窩鋪一十四所知縣朱簞繼至襄事畢工費宏記二十七年城圯于水知縣成子學修之四十五年又圯通判何堅重修國朝如舊制

疆域

臨江府

廣一百五十里袤二百六十里東至南昌府豐城縣界八十里西至袁州府分宜縣界七十里南至吉安府吉水縣界一百七十里北至瑞州府高安縣界九十里自府治至省城一百二十里

路程細數詳各縣

清江縣

附郭廣一百三十三里袤四十五里

一東陸大路自縣出東門由瀟灘驛五十五里至泊濂村南昌府豐城縣交界一南陸大路自縣出南門社稷壇三十里至丁家渡過河本府新淦縣交界一自張王廟五十五里至萬安鋪本府新喻縣交界一北陸大路自縣北門三十五里至曲水湖瑞州府高安縣交界一大河水路自泊濂村接豐城縣界東岸往上五十里至永市墟本府新淦縣交界一小水路自荷湖館分河東岸往上四十九里至泗溪本府新喻縣交界

新喻縣

在府治西一百二十里廣一百三十里袤八十里



西江志 卷五  
一東陸大路自縣出東門六十里至萬安舖本府清江縣交界一西陸大路自縣出西門由崇慶寺五十里至土橋素州府分宜縣交界

一東陸小路自縣出東門由羅坊六十里至圓山坳本府新淦縣交界一南陸小路自縣出南門過渡由覽秀亭三十里至牛頸村本府峽江縣交界一北陸小路自縣出北門七十一里至黎墟本府清江縣交界

一水路自縣東門往下一百七十里至泗溪渡本府清江縣交界

一水陸二路俱自縣西門往上四十里至袁家渡俱係素州府分宜縣交界

新淦縣

在府治南六十里廣一百二十里袤八十里

一西陸大路自縣西門過渡界埠二十八里至長排墟本府峽江縣交界一自西禪寺四十里至丁家渡本府清江縣交界

一東小陸路自縣東門六十五里至李山坳撫州府樂安縣交界一北陸小路自縣出北門三十七里至永市墟本府清江縣交界

一水路自縣西門外東岸往上二十二里至獅子山本府峽江縣交界一自西門外東岸往下四十里至永市墟本府清江縣交界一自西岸西禪寺往上二十里至長排洲本府峽江縣交界一自西岸西禪寺往下四十八里至鄧家洲中港本府清江縣交界



峽江縣

在府治南一百三十里廣七十里袤一百二十里

一南陸大路自玉峽驛由南門十里至塔下吉安府吉水縣  
交界一北陸大路自北門由大安橋四十五里至長排墟  
本府新淦縣交界

一東陸小路自縣出東門七十六里至南源坳吉安府永豐  
縣交界一北陸小路自縣出北門由新田橋七十里至頸  
嶺本府新淦縣交界

一水路自縣南門外往上二十里至塔下吉安府吉水縣交  
界一自縣東門往下四十五里至獅子山本府新淦縣交  
界

吉安府

廬陵縣  
附郭

晉自太和縣西北三十里移治於石陽 唐開耀元年州人

劉智以郡逼章水東通大山戶口繁土地隘請徙郡治永

淳元年自石陽移今所天祐中刺史彭玕廣城池 宋開

寶中申屠令堅重加繕治紹興三年州守呂源增壘濬濠

淳熙十一年州守朱希顏復加繕治周圍二十里二百十

五步高二丈五尺闢九門 元至正十年監郡納速兒丁

重新之 明吳元年甲辰都督朱政更築城圍九里高如

舊厚一丈東抵大江西南北鑿濠池深三丈五尺有奇長

一千四百七十一丈二尺門五南興賢西永豐東迎恩廣

豐北嘉禾俱覆以樓後漸摧圯成化間左參政李蕙易城

上所置戍舍俱以磚石砌之

國朝康熙四年知府郭景昌知縣于藻增高五尺



西江志 卷五  
按林志載吉安子城在府城內西南隅府治居其中周圍二里北高一丈四尺闊九尺五寸東南高二丈四尺闊一丈九尺爲門三今癸亥通志及府縣志皆不載  
泰和縣

唐乾元間移縣于白下驛定縣治築土城周迴五里爲門四南臨贛水東西北各有濠 宋太平興國九年縣令戚綸修之 元大德三年知州焦榮復修 明洪武初知州吳去疾重修增東南二門正德二年知縣陸震因舊址重築周一千二百丈高一丈二尺厚半之改爲七門南西昌都會東仙槎東南雲亭西千秋西北信實北高行東北仁善嘉靖三十五年知縣馮叔吉平土易磚加堅厚焉萬曆五年知縣唐伯元清復濠址大濬之

國朝仍舊制

吉水縣

南唐保大八年解世隆始築城周四里高六尺設四門以地當瀘贛諸水交匯勢難立城自宋元以來止存二門無復興修 明洪武初知州費震修之尋毀正德間閩廣寇發知縣朱寅興築甃以磚石周圍一千二百二十五丈高一丈七尺厚八尺門五覆以樓東文明西文峰南文沙北文江東北文昌復構二小亭于東西水門上設警舖二十一間羅僑記之十年雨圯知縣張景華重修十五年南贛水漲城復圯十六年知縣牟盛培增磚石重修如舊天啓四年知縣何應奎添築月城于各門

國朝康熙三年知縣張象燦增高之



永豐縣

宋紹興七年知縣李諤始築土城高四尋長千丈前後為鼓樓左右為敵樓南北二門待制劉儗記元廢明弘治初知縣車梁因故址築之立更樓五座正德六年為流寇所破知縣錢季玉重修尋潰于水嘉靖三年知縣商大節加築完固四十二年知縣吳鳳瑞擴舊制新之延袤九百一十丈為門八曰泰安興賢承恩永定湧清廣寧小南小西城樓八座

國朝如舊制

安福縣

晉永康中太守朱居所築宋祥符間訖元至正嘗繕治之明吳元年甲辰千戶夏杙重修洪武七年千戶秦葆百戶

李隆增修之周圍五里一百四十五步高一丈五尺濠深一丈并十門為四曰迎薰拱極寅賓寶成嘉靖六年知縣魏景星千戶謝晦重修張鰲山記萬曆間知縣倪涑閔世翔吳應明先後葺治崇禎九年楚寇入城九月推官鄭瑜濬濠增堞

國朝康熙三年知縣洪啓權修之五年知縣焦榮加修龍泉縣

宋明道二年縣令何嗣昌始徙縣治于水北繚以土垣設東西南三門嘉熙元年增築周迴五里淳祐二年加以甃甃因城為濠元因之明洪武七年百戶李隆增築之建四門樓周迴四千八百四十步高一丈八尺厚半之濠五千五百二十步深五尺廣倍之景泰五年僉事涂復重建東



北二樓以後修葺失考

萬安縣

宋熙寧四年置縣元豐初知縣朱俊民始築城紹興初知縣趙成之增築元至正己亥縣尹彭九臯因舊址重築周三里高一丈廣八尺置四門曰朝陽高明自南拱辰西臨江為濠東南北濠深一丈五尺廣倍之明正德五年知縣桑翹築城更置六門周圍七百餘丈高二丈二尺廣一丈五尺每門各覆以樓

國朝康熙三年知縣胡樞修之二十六年久雨水溢城圯知縣黃圖昌補築

永新縣

舊惟土城宋嘉熙丁酉縣令梅起始加甃治周迴九百九十九丈高二丈厚半之東南瞰溪西北鑿濠長四百八十丈有奇深一丈五尺元至正壬辰偽相周安據之嘗一修治明洪武二年千戶俞茂重加繕葺置四門成化七年千戶王杲復修城堞萬曆乙亥知縣龔錫爵重築之

國朝如舊制

永寧縣

元至正十三年偽相周安據永新遣其幕帥據永寧舊治毀於鄉寇乃于瓦岡築土城以守周圍四百丈廣七尺高倍之上覆以屋為門四東西距小澗南阻鄭溪北倚七溪嶺明吳二年乙巳千戶陳英治城防守成化十九年知縣李玠重修弘治三年知縣馬鉦修南門城樓有記正德十年知縣方坤加築磚石濬濠嘉靖六年知縣陸時雍十九



年典史童世芳三十年知縣張節先後修葺  
國朝如舊制

疆域

吉安府

廣三百八十里袤四百二十五里東至撫州府樂安縣界二  
百里西至袁州府宜春縣界一百八十里南至贛州府贛  
縣界二百八十里北至臨江府新淦縣界一百四十里自  
府治至省城五百九十里

此程細數  
詳各縣

廬陵縣

附郭廣二百四十里袤一百五十里

一東陸大路自縣總舖六十里至龔溪廟本府泰和縣交界  
一西陸大路自縣西門城下舖四十里至新徑舖本府安

福縣交界

一小陸路自縣往西六十里至洋口本府安福縣交界一自  
縣往南四十里至鐵溪菴本府泰和縣交界一自縣往北  
七十五里至潦江前村本府安福縣交界  
一水路自縣螺川驛往上五十里至鐵溪塘本府泰和縣交  
界往下二十里至石屋塘本府吉水縣交界一自縣神岡  
山一百七十五里至斜埠塘本府永新縣交界一自雙江  
分河五十里至洋口本府安福縣交界

吉水縣

在府東四十里廣一百十里袤一百六十里  
一南陸大路自縣南門三十里至黃岡橋本府廬陵縣交界  
一北陸大路自縣北門由龍華寺六十五里至塔下臨江



府峽江縣交界一東陸大路自縣東門四十二里至長源鋪本府永豐縣交界

一水路自縣北門往上二十里至石屋塘本府廬陵縣交界  
往下由文江塘渡八十三里至住岐塘渡塔下臨江府峽江縣交界

一小水路自縣往北由蓮花石渡五十一里至百郊渡本府永豐縣交界

永豐縣

在府治東一百三十里廣一百一十里袤二百九十里

一東陸大路自縣東門花橋六十里至白竹村撫州府樂安縣交界一南陸大路自縣南門二百十里至竹篙嶺贛州府寧都縣交界一西陸大路自縣西門四十里至長源鋪

本府吉水縣交界

一小陸路自縣往東由文孝廟四十五里至廟口南源坳臨江府峽江縣交界

一水路自縣北門外四十里至百郊渡本府吉水縣交界  
泰和縣

在府治南八十里廣一百九十里袤二百一十里

一南陸大路自縣南門五十五里至官橋頭本府萬安縣交界一北陸大路自縣北門一百八里至孔家鋪本府廬陵縣交界

一小陸路自縣往南由桃陽村三十五里至通津橋羅村贛州府興國縣交界一自縣往北八十二里至鐵溪庵本府廬陵縣交界



一水路自縣往南城上渡七十八里至繳嘴上本府萬安縣  
交界一自縣東門橋白下驛一百七十里至鐵溪塘本府  
廬陵縣交界

安福縣

在府治西一百二十里廣二百二十里袤一百四十里

一東陸大路自縣東門由萍下一百十五里至新徑鋪本府  
廬陵縣交界一南陸大路自縣南門由五里岡八十五里  
至虹橋本府永新縣交界一北陸大路自縣北門四十里  
至石鎮鋪袁州府分宜縣交界

一小陸路自縣往東三十里至洋口渡本府廬陵縣交界一  
自縣往西一百七十里至清水湖廣長沙府攸縣交界一  
自縣往北三十里至澗富嶺袁州府宜春縣交界一自縣

出西門南陂二十里至高布嶺袁州府萍鄉縣交界

一水路自縣洋溪一百八十里至洋口本府廬陵縣交界

萬安縣

在府南一百八十里廣二百五十里袤三百六十里

一西陸大路自縣西門過蝦蟇渡二十里至鄧林鋪本府龍  
泉縣交界一北陸大路自縣北門七十六里至官橋頭本  
府泰和縣交界一南陸大路自縣南門八十里至土扶鋪  
贛州府贛縣交界

一水路自縣西門外五雲驛往下八十里至繳嘴上本府泰  
和縣交界一自縣蝦蟇渡往上一百二十七里至良口市  
贛州府贛縣交界一自蝦蟇渡往下五十二里至白泥本  
府龍泉縣交界



龍泉縣

在府西南二百七十里廣一百六十里袤一百六十五里  
 一東陸大路自縣東門五十里至鄧林舖本府萬安縣交界  
 一小陸路自縣西門三十里至五斗江本府永寧縣交界一  
 自縣南門六十里至山坑南安府崇義縣交界一自縣出  
 北門一百五十五里至小通本府永新縣交界  
 一小溪水路自縣南門外左上一百十里至火嶺嶺背湖廣  
 郴州桂東縣交界一自縣西門外右上一百六十里至蘇  
 州山湖廣衡州府酃縣交界  
 一水路自縣往下由資福寺四十五里至白泥本府萬安縣  
 交界

永新縣

在府西二百二十里廣一百六十里袤一百四十里  
 一東陸大路自縣出東門過渡由龍灣橋三十里至秋陂舖  
 本府永寧縣交界一西陸大路自縣出西門玉皇閣一百  
 里至界頭嶺湖廣茶陵州交界一北陸大路自縣出北門  
 養濟院五十里至虹橋舖本府安福縣交界  
 一水路自縣東門觀音閣往下七十五里至斜埠塘本府廬  
 陵縣交界一自南門往上一百一十里至界頭嶺水源湖  
 廣茶陵州交界

永寧縣

在府西二百八十里廣八十里袤一百九十里  
 一北陸大路自縣出北門二十里至秋陂舖本府永新縣交  
 界



一 小陸路自縣出東門五十里至關本府永新縣交界一自縣出南門六十五里至五斗江本府龍泉縣交界一自縣出西門由關聖殿九十七里至湖廣衡州府酃縣交界一 小水路自西門八十里至永新縣江口合河

撫州府

臨川縣附郭

唐寶應中太守王圓自西津赤岡移治于連樊小溪之陸乾符間王仙芝亂鍾傳入據州城南城人危全諷起兵討捕詔授本州刺史全諷以其仄倚城西低臨水際非建治之所乃徙於羊角山中有子城外有羅城皆中和五年所築也子城周迴一里二百二十五步西湊羅城立三門東承春南通教北望雲羅城周迴十五里二十六步址廣三尋而高殺其一 南唐昇元四年太守周弘祚修而闢之建

十三門門各有樓濠深三丈廣六倍有奇黃德懋記 宋建炎中州守王仲山補葺之紹興中州守張滉于子城仍建三門於羅城廢四門存九門景定中州守家坤翁重修自為記 元至正中監郡完帖木兒重葺羅城西門涂幾記 明初平章吳宏因兵火後民居蕩析減削西南城僅存九里十三步廢五門存四門東文昌西武安南順化北進賢門各有樓有月城城上窩鋪四十所宣德間知府王昇補葺成化間知府周瑛於城牆下溝口鑄鐵柵欄以禦盜弘治間知府胡孝加葺羅城集木石將新子城未就而去

國朝康熙二年知府劉玉瓚重修城上增築馬道并堦口十九年靈雨暴漲南城圯臨川知縣胡亦堂捐修



崇仁縣

自隋設縣溪流界於中難施版築歷代未有城 明弘治十二年知縣葉天爵始於環治街巷各豎門樓嘉靖四十一年因閩廣寇起巡撫胡松命知縣李呈英建築南北兩城北城周圍八百零三丈高一丈九尺厚一丈二尺為門五南城高厚與北等周圍八百七十丈為門六中界寶水倚以為濠羅洪先記之萬曆間南城圯知縣陳瑛重修自為記

國朝仍舊制

金谿縣

宋祥符圖經縣城周迴二里高五尺南北為門二元廢 明洪武初復設四門曰宣化迎恩阜民朝天尋又廢弘治十

一年分巡僉事沈銳重建四門嘉靖三十七年知縣張喬相盡夷土垣累以堅甃周迴八里高一丈八尺基闊二丈五尺為門四東協和西阜成南迎薰北拱辰蓋從諸生黃文豹之請巡撫何遷允其議知縣馬堯相高岡相繼完工徐善慶記之踰年廣寇猝至鄰邑殘破金谿獨賴以全國朝仍舊制

宜黃縣

宋祥符圖經城周迴二里一百步嘉定十七年縣令陳有俊新之紹定庚寅燬於寇 明洪武初知縣許天明于原所創南北二門成化二十二年通判姚琛署縣事環治建舖舍樓門凡數十處正德八年知縣冉楹復建東北二石門嘉靖元年知縣鮑鳳十三年知縣黃漳相繼修之四十一



年巡撫胡松檄知縣楊淮築城環鳳山而西至仙人石抵  
嶽嶺東臨河長一千三百丈有奇廣一丈二尺高倍之爲  
門四東通津南陟華西固始北附鳳水門二譚綸記之崇  
禎五年賊壓境據高憑陵城幾陷賊退後巡撫解學龍憑  
衆議以漆椀諸山宜包入城具疏改築增建小門由鳳凰  
山直接西門仙人石約計三百餘丈知府蔡邦俊有新城  
記

國朝仍舊制

樂安縣

宋祥符圖經城周迴八里二十步築土塹敞爲四門久圯  
明正德七年知縣穆世傑築土重修嘉靖四十年知縣吳  
淮始壘以石爲門九東新興向陽西龍岡望雲南望仙豐

樂武安鎮安北迎恩鄒守益記之崇禎五年粵寇徧境肆  
掠居民九年巡撫解學龍檄知縣郭齊雲大修之周環一  
千一百六十丈高二丈二尺爲五門城樓五座詹爾選詳  
序其事

國朝康熙乙卯逆寇踞樂城官兵進勦後知縣吳順增高內  
垣

東鄉縣

明正德時姚源華林賊熾守道徐蕃巡道高賓請於都御史  
陳金移兵先定東鄉疏于朝置東鄉縣兵備道胡世寧築  
土城周六百五十七丈高一丈六尺濠深五尺廣二丈爲  
四門東安仁南廣信西臨川北進賢嘉靖四年按察副使  
范輅下令增築伐石陶甃爲永久計提學洪範有記四十



二年知縣唐士達重葺御史高應芳記萬曆九年知縣諸大倫新城樓復易以堅石自為記

國朝康熙二年諸生以南門逼近儒學之右請移當儒學之中知縣沈士秀闢之邑人梁奇記

疆域

撫州府

廣三百九十里袤一百五十里東至饒州府安仁縣界一百

二十里西至臨江府新淦縣界二百七十里南至建昌府

南城縣界九十里北至南昌府進賢縣界六十里自府治

至省城二百里

路程細數詳各縣

臨川縣

附郭廣一百三十里袤一百五十里

一東陸大路自縣由文昌門三十里至勇橋村新路鋪本府

東鄉縣交界一自文昌橋往東南二十里至戴湖鋪本府

金谿縣交界一西陸大路自縣武安門三十里至大嶺鋪

本府崇仁縣交界一南陸大路自縣出順化門六十五里

至搗巷鋪本府宜黃縣交界一自順化門往東南九十五

里至界山嶺建昌府南城縣交界一北陸大路自縣出進

賢門過北津渡五十里至嶺下村南昌府進賢縣交界

一小陸路自武安門往西由二仙橋四十五里至北澤南昌

府豐城縣交界一自武安門由和尚橋三十五里至柏葉

塘本府崇仁縣交界一自進賢門過北津渡八十里至齊

家店南昌府南昌縣交界一自北津渡過河往東北七十

四里至東莊南昌府進賢縣交界



一水路自縣東門文昌橋往上九十里至濮牛建昌府南城  
縣交界一自文昌橋往下由北津渡一百里至梁家渡南  
昌府南昌縣交界一自羊坡石渡分河往南六十里至龍  
窟渡本府宜黃縣交界

金谿縣

在府東南一百一十里廣九十五里袤一百一十里

一東陸大路自縣東門六十里至淳塘鋪金貴亭廣信府貴  
溪縣交界一西陸大路自縣出西門四十里至后車鋪建  
昌府南城縣交界一北陸大路自縣出北門八十里至戴  
湖鋪本府臨川縣交界一自棗樹村分小路六十里至岐  
山本府東鄉縣交界

一南陸小路自縣出南門三十五里至貓兒嶺建昌府瀘溪

縣交界

一水路接建昌府南城縣濮牛大河七十里至許灣鎮兩岸  
俱係臨川縣地界

崇仁縣

在府西一百二十里廣九十五里袤九十里

一東陸大路自縣出南門六十五里至車源村柏葉塘本府  
臨川縣交界一東北陸大路自迎恩橋六十里至大嶺鋪  
本府臨川縣交界一西南陸大路自縣南門五十里至丁  
家源本府樂安縣交界一自縣西門譚陂橋四十里至懷  
仁鋪本府樂安縣交界一北陸大路自縣東門迎恩橋四  
十里至黃檗南昌府豐城縣交界

一小陸路自縣往東南五十五里至孤嶺本府宜黃縣交界



一水路自大盤華蓋諸山發源本縣南門外黃洲橋往下六十里至白虎窰村本府臨川縣交界

宜黃縣

在府西南一百一十里廣八十里袤一百七十里

一東陸大路自縣出東門由豐樂橋五十里至搗港舖本府臨川縣交界

一西陸小路自縣出西門二十三里至孤嶺本府崇仁縣交界

一南陸小路自縣南門九十五里至清潦溪本府樂安

縣交界一自編山村分路往南四十五里至上嶺贛州府

寧都縣交界一東北小路自縣貫虹橋八十里至交陽建

昌府南城縣交界

一小水路自本縣東陂一百三十五里至龍窟渡本府臨川

縣交界

樂安縣

在府治西南一百四十里廣八十里袤二百二十里

一東北陸大路自縣北門六十里至古城村懷仁舖本府崇

仁縣交界一西陸大路自縣西門四十里至羅蔡吉安府

永豐縣交界一北陸大路自縣北門八十里至丁家嶺南

昌府豐城縣交界

一小陸路自縣東門二十里至丁家原本府崇仁縣交界一

自縣南門由金鰲橋一百二十里至大樹嶺贛州府寧都

縣交界一自縣出東南八十里至清潦溪本府宜黃縣交

界一自縣往西南五十里至界山吉安府永豐縣交界一

自縣往西北七十里至李山坳臨江府新淦縣交界



東鄉縣

在府東一百一十里廣一百里袤一百里

一東陸大路自縣東門五十里至大橋鋪饒州府安仁縣交界一南陸大路自縣南門五十里至上河鋪本府金谿縣交界一西陸大路自縣西門四十里至新路鋪本府臨川縣交界一北陸大路自縣出北門三十五里至徐橋鋪野塘南昌府進賢縣交界

一小陸路自南門五十里至小坪塘本府金谿縣交界一自縣往東北由三港口五十二里至潤陂饒州府餘干縣交界

建昌府 南城縣附郭

唐僖宗乾符中危全諷鎮建昌築城周迴十里廣一丈六尺

高二雉露屋一千一百三十二楹敵樓三十二所 南唐李崇瞻置制建武軍築制院城一百六十丈門四東來遠西永豐南祈僊北朝天敵樓二十四楹高二丈有奇 宋元豐中廖恩據邵武為亂知軍鄭瑗請于朝作新城即今治周九里三十步東疊以石界盱水為池西南北間以甃東門三盱江合江天酒西門二紅泉清暉南門四祈僊膏露太平安濟北門一朝天 明初偽漢將王溥歸附其黨章益謙糾敗兵圍城凡五十四日乃解溥以西南北地勢卑而城基稍薄遂并東而增築之東天酒門易名武勝西紅泉門易名儀鳳南祈仙門易名通會北朝天門易名朝京餘門皆塞之城高二丈五尺厚一丈九尺基廣二丈九尺東濠因江流西南北濬濠深一丈廣一丈四尺規制大



備洪武改元指揮使耿顯忠建四城樓又增築西南北三門甕城正德八年知府安奎補築東門甕城嘉靖二十七年武勝門燬知府陳陞重建萬曆間知府路雲龍鄔鳴雷推官陸鍵均事修葺

### 南豐縣

舊無城明正德六年閩粵流寇犯縣大肆焚掠七年知縣莫止築土城八百九十一丈九年兵備道胡世寧巡閱檄推官趙漢督建今城周迴如舊高一丈八尺基廣一丈五尺作城樓四東聚和西崇秀南通濟北慶城知府韓轍按視西北城外山高可俯視非守計也乃增高八尺餘立舖舍四十四所侍郎羅玘記嘉靖三十六年僉事尤烈按視復增高舊城四尺東北門增築月城敵樓窩舖又于東北城

### 外開濠以護城

國朝康熙十四年閩寇陷城城堞崩缺二十二年知縣鄭鈺捐修

### 新城縣

舊無城明正德七年知縣徐繡以鄰封多警申請建城築土垣周九百三十八丈高八尺工未畢以憂去八年知縣黃文鸞繼其事內外甃以石增高二尺厚十尺廣十五尺門四東望閩西通濟南昌文北朝宗各覆以樓都御史林俊記之主事夏良勝序之嘉靖三十六年知縣李伯生因閩寇犯南豐申請撫按修築仍舊式為舖三十六重建城樓祭酒王材有記三十九年知縣湯建衡增築月城環城覆以屋自為記崇禎十一年邑人涂國鼎捐金倡修其子斯



皇記之

廣昌縣

舊志土城環縣五里宋端平中新城令趙礪夫攝邑事謀築未完而寢元因之 明成化二十三年寇衝縣殺知縣莊英五年再寇執知縣徐復善為質要利以去六年復寇知縣梁榮白副使胡世寧築城功未竟調萬安縣副使楊璋督通判陳文經知縣張潔繕治周七百八十五丈高一丈八尺厚一丈門四東迎恩西承流南宣化北拱北各覆以樓十二年知縣余瑩繼修嘉靖間知縣毛益建黃德純胡仲含均事修葺崇禎六年封山寇警知縣王壘增高內外城垣

國朝順治十一年水漲城圯知縣沈英捐修康熙十一年又

圯知府高天爵同知署縣事任風厚捐修

瀘溪縣

明萬曆六年始置縣知縣陳王庭築城周迴五百丈廣八尺高一丈五尺為門四東來福南新化西順治北拱極門各建樓城外濬濠廣七尺深如之邵伯悌記

國朝如舊制

疆域

建昌府

廣二百六十里袤三百八十里東至福建邵武府光澤縣界二百二十里西至撫州府宜黃縣界四十里南至贛州府石城縣界三百四十里北至撫州府臨川縣界四十里自府治至省城五百里

路程細數詳各縣



南城縣

附郭廣一百三十里袤一百二十里

一東陸大路自縣出東門由太平橋七十五里至本府新城  
 縣交界一由太平橋自硝石分陸路往南四十里至察坑  
 村本府瀘溪縣交界一南陸大路自縣南關由迎仙橋九  
 十里至雙南橋本府南豐縣交界一自縣北關由萬壽宮  
 五十五里至界山嶺撫州府臨川縣交界  
 一小陸路自縣往東北七十里至寒婆砦撫州府金谿縣交  
 界一自縣西關由黃堂廟五十里至交陽嶺撫州府宜黃  
 縣上黃交界

一水路自縣出東關由太平橋往上八十五里至雙南橋港  
 本府南豐縣交界一自太平橋往下五十八里至潭港撫

州府臨川縣交界一自縣往東由太平橋六十三里至硝  
 石街本府新城縣交界

南豐縣

在府南一百二十里廣一百四十里袤一百十五里

一東陸大路自縣往東三十里至兜溪舖本府南城縣交界  
 一南陸大路自縣由南津渡八十里至雙連隘本府廣昌  
 縣交界一自縣東四十五里至弋陽舖隘本府新城縣交  
 界

一小陸路自縣治西由石佛寺九十里至九子嶺贛州府寧  
 都縣交界

一水路自縣治東關外往上由惠政橋八十里至雙連港本  
 府廣昌縣交界自東關外三十里至兜溪港本府南城縣



西江志  
卷五  
界

新城縣

在府東南九十里廣二百三十里袤一百十五里

一東陸大路自縣出東關六十五里至杉關福建邵武府光澤縣交界一西陸大路自縣往西由安濟橋六十里至弋陽鋪隘本府南豐縣交界一北陸大路自縣經白源鋪五十里至本府南城縣交界

一小陸路自縣南關六十里至黃土關福建邵武府邵武縣交界一自縣往西由安濟橋七十里至丘家隘福建邵武府建寧縣交界

一水路自縣出北關外四十八里至硝石街本府南城縣交界

廣昌縣

在府西南二百里廣一百六十里袤一百四十里

一東陸大路自縣出東門五十里至雙連隘本府南豐縣交界一西陸大路自縣出西門六十里至修嶺隘贛州府寧都縣交界一南陸大路自縣出南門七十五里至車橋嶺隘福建汀州府寧化縣交界

一東陸小路自縣出東門由順化渡四十五里至船尖隘福建邵武府建寧縣交界一南陸小路自白水市分路上葛藤排五十里至分水隘贛州府石城縣鐵樹坳交界

一小水路自縣出南門往下四十二里至雙連港本府南豐縣交界一自南門往上三十里至白水市係發源之所登陸往福建汀州府寧化縣交界



瀘溪縣

在府東一百五十里廣九十里袤一百三十里

一北陸大路自縣往北七十里至白玕本府南城縣交界

一北陸小路三十里至大源廣信府貴溪縣交界一東陸小

路自縣往東十五里至花山福建邵武府光澤縣交界一

西陸小路由接龍橋九十里至貓兒山嶺撫州府金谿縣

交界一南陸小路自縣往南九十里至察坑本府南城縣

交界

西江志卷第五



卷之四